

# Svanhildur Kr. Sverrisdóttir

# HEIMIR

# Handbók um heimildaritun

**Heimir. Handbók um heimildaritun**

ISBN 978-9979-0-1476-8

© Svanhildur Kr. Sverrisdóttir

© Myndir Ingimar Waage og Eygló R. Sigurðardóttir bls. 23

Ritstjóri: Guðríður Skagfjörð Sigurðardóttir

Yfирlestur: Friða S. Haraldsdóttir, María Hrafnsdóttir,

Rebekka Cordova og Ýr Þórðardóttir

Prófarkalestur: Ingólfur Steinsson og Jón Özur Snorrason

Öll réttindi áskilin

1. útgáfa 2011

önnur prentun 2013

Námsgagnastofnun

Kópavogi

Hönnun og umbrot: Námsgagnastofnun

Prentvinnsla: Prenttækni ehf.

Svanhildur Kr. Sverrisdóttir

# HEIMIR

Handbók um heimildaritun



## Efnisyfirlit

|   |    |   |    |
|---|----|---|----|
| Til lesanda.....                                | 4  | Höfundaréttur og ritstuldur .....                   | 24 |
| Ýmsar gerðir ritunar .....                      | 5  |   |    |
| <br>  |    |   |    |
| Heimildaritgerð .....                           | 7  | Skipulag og uppbygging skrifanna .....              | 25 |
| Nýjar spurningar – ný svör – nýtt sjónarhorn .. | 7  | Forsíða .....                                       | 26 |
| Til hvers eru heimildir?.....                   | 7  | Efnisyfirlit .....                                  | 26 |
| Nokkrar gerðir heimildaritgerða .....           | 8  | Inngangur .....                                     | 26 |
| 1. Bókmenntaritgerð .....                       | 8  | Meginmál .....                                      | 27 |
| 2. Samfélagsfræðiritgerð.....                   | 9  | Lokaorð .....                                       | 27 |
| 3. Ritgerð um listamann .....                   | 10 | Heimildaskrá .....                                  | 28 |
| <br>  |    |   |    |
| Ritunarferli í níu þrepum.....                  | 11 | Tilvitnun og tilvísun .....                         | 29 |
| 1. Að velja efni .....                          | 11 |   |    |
| 2. Hugmyndavinna .....                          | 12 | Heimildaskráning.....                               | 32 |
| 3. Rannsóknarspurningar.....                    | 12 | Dæmi um skráningu heimilda.....                     | 33 |
| 4. Efnisöflun .....                             | 14 | 1. Bók eftir einn íslenskan höfund .....            | 33 |
| 5. Efnisgrind .....                             | 14 | 2. Bók eftir einn erlendan höfund .....             | 33 |
| 6. Fyrsta uppkast.....                          | 14 | 3. Bók eftir two íslenska höfunda .....             | 33 |
| 7. Annað uppkast .....                          | 15 | 4. Bók eftir two erlenda höfunda .....              | 33 |
| 8. Prófarkalestur.....                          | 15 | 5. Bók eftir þrjá eða fleiri íslenska höfunda ..... | 34 |
| 9. Lokafrágangur .....                          | 15 | 6. Bók eftir þrjá eða fleiri erlenda höfunda .....  | 34 |
| Um hvað viltu skrifa?.....                      | 16 | 7. Þýðing.....                                      | 34 |
| <br>  |    | 8. Enginn höfundur .....                            | 34 |
| Málfar og still .....                           | 17 | 9. Greinasafn eftir einn höfund .....               | 34 |
| 1. eða 3. persóna.....                          | 17 | 10. Grein í greinasafni eftir marga höfunda .....   | 34 |
| Óvandað mál .....                               | 18 | 11. Bók sem tilheyrir ritröð .....                  | 34 |
| Vandað mál .....                                | 18 | 12. Ritsöfn og sýnisbækur .....                     | 35 |
| Talmálsstill.....                               | 18 | 13. Orðabækur .....                                 | 35 |
| Stafsetning .....                               | 19 | 14. Grein úr alfræðibók .....                       | 35 |
| Greinarmerki .....                              | 20 | 15. Bæklingur .....                                 | 35 |
| <br>  |    | 16. Grein úr tímariti .....                         | 35 |
| Leitarvefir og bókasafn .....                   | 21 | 17. Grein úr dagblaði .....                         | 36 |
| Leitartækni .....                               | 21 | 18. Heimildir af netinu .....                       | 36 |
| Áreiðanleiki heimilda .....                     | 22 | 19. Heimildir úr útvarpi .....                      | 36 |
| Gátlisti við mat á heimildum á netinu .....     | 23 | 20. Heimildir úr sjónvarpi .....                    | 36 |
|   |    | 21. Heimildir af geisladiski/myndbandi .....        | 36 |

|   |           |                        |    |
|---|-----------|------------------------|----|
| 22. Heimildir af mynndiski .....                  | 36        | Sjálfsmat .....        | 49 |
| 23. Hljóðbók .....                                | 37        | Birting efnisins ..... | 50 |
| 24. Lög og reglugerðir .....                      | 37        | Fyrirlestur .....      | 50 |
| 25. Skýrsla .....                                 | 37        | Veggspjald .....       | 50 |
| 26. Munnlegar heimildir .....                     | 37        | Netið .....            | 51 |
| 27. Myndir .....                                  | 37        | Bæklingur .....        | 51 |
| <b>Uppkast, prófork og yfirlestur .....</b>       | <b>39</b> | Málstofa .....         | 51 |
| <b>Frágangur texta og uppsetning ritgerðar ..</b> | <b>40</b> | Greinasafn .....       | 51 |
| Línubil .....                                     | 40        | Spurt og svarað .....  | 52 |
| Leturstærð og gerð .....                          | 40        | Heimildir .....        | 54 |
| Spássía .....                                     | 40        |                        |    |
| Textajöfnun .....                                 | 40        |                        |    |
| Blaðsíðatal .....                                 | 41        |                        |    |
| Fyrirsagnir og titill ritgerða .....              | 41        |                        |    |
| Efnisgreinar og greinaskil .....                  | 41        |                        |    |
| Númeraðir kaflar eða ekki .....                   | 42        |                        |    |
| Undirskrift og dagsetning .....                   | 42        |                        |    |
| Útprentun og frágangur .....                      | 42        |                        |    |
| Skýringarmyndir og töflur .....                   | 42        |                        |    |
| Fylgiskjöl – viðaukar .....                       | 43        |                        |    |
| <b>Forsíða .....</b>                              | <b>44</b> |                        |    |
| Mynd á forsíðu .....                              | 45        |                        |    |
| <b>Kanntu að nota ritvinnsluforrit? .....</b>     | <b>46</b> |                        |    |
| Að breyta leturgerð og stærð .....                | 46        |                        |    |
| Að setja inn blaðsíðatal .....                    | 46        |                        |    |
| Að breyta línubili .....                          | 47        |                        |    |
| Að setja inn efnisyfirlit .....                   | 47        |                        |    |
| Að setja inn tilvísun í neðanmálgrein .....       | 47        |                        |    |
| <b>Nokkur hollráð .....</b>                       | <b>48</b> |                        |    |

## Til lesanda

*Heimir. Handbók um heimildaritun* er ætluð þeim sem eru að stíga sín fyrstu skref í fræðaskrifum eða heimildaritun. Í bókinni er farið yfir helstu þætti heimildaritunar, allt frá efnisvali til útprentunar.

### Heimildagildi

Hluti af menningu okkar felst í ritun af einhverju tagi. Síðustu ár hefur form skrifa breyst nokkuð með tilkomu tölvutækninnar en grunnatriðin eru alltaf þau sömu. Marteinn afi minn, útvegsbóni í Neskaupstað, var fæddur á seinni hluta 19. aldar. Hann hélt dagbók áratugum saman þar sem hann skráði hjá sér helstu viðburði, bæði í einkalífi og samfélagini. Hann eignaðist þrettán börn og um fæðingu þeirra og uppvöxt má lesa í dagbókunum en ekki síst má lesa um veðurfar og skipasiglingar. Skrif hans eru nú varðveisitt á safni og gætu orðið uppistaða í heimildaritgerð þótt það hafi ekki verið markmið þeirra á sínum tíma. Þeim svipar að mörgu leyti til persónulegra skrifa á bloggsíðum sem kannski eiga eftir að hafa heimildagildi seinna meir.

### Að ýmsu þarf að hyggja

Við heimildaritun þarf að hyggja að ýmsum at-riðum. Bygging textans þarf að fylgja ákveðnum reglum, heimildirnar að vera áreiðanlegar, vísanir í þær samkvæmt ákveðnum reglum og heimildaskrá rétt sett upp. Frágangur þarf að vera til fyrirmynadar, málfar og stafsetning í lagi – svo fátt eitt sé nefnt. En ekki síst þarf heimildaritgerðin að svara spurningum sem settar eru fram. Svörin við þeim gefa nýja sýn

eða mynd af tilteknu viðfangsefni sem margir hafa kannski skrifað um áður.

Þegar ég velti fyrir mér nafni á þessa bók fannst mér eiginlega aðeins eitt nafn koma til greina, þ.e. Heimir. Ástæðan er einkum sú að bókin fjallar um heimildir. Þessi orð eru að vísu ekki merkingarlega skyld en þau eiga marga sameiginlega stafi. Auk þess finnst mér nafnið Heimir fallegt – og svo á ég líka góðan vin sem heitir Heimir og er einmitt mikill fræðamaður. Þú átt eftir að standa í svipuðum sporum og ég þegar þú velur ritsmíðum þínum heiti eða fyrirsögn, þarf að velja orð sem þér finnst hæfa efninu.

### Markmið og tilgangur

Um markmið og tilgang heimildaritunar væri hægt að fjalla í löngu máli. Ég læt nægja að benda á fimm atriði sem ég trúi að séu mikilsverð. Þau eru:

- ✓ Þú getur ráðið ferðinni og skrifað um það sem þér finnst mikilvægt og áhugavert.
- ✓ Þú getur ráðið hvernig þú skrifar um efnið.
- ✓ Þú getur dýpkað þekkingu þína.
- ✓ Þú þjálfast í að skrifa fræðitexta.
- ✓ Þú getur skapað nýja þekkingu.

Öllum þeim sem komu að þessu verki eru færðar bestu þakkir fyrir.

Hafnarfirði á góu 2011

Svanhildur Kr. Sverrisdóttir

## Ýmsar gerðir ritunar

Hægt er að flokka skrif eða ritun með ýmsu móti, t.d. eftir innihaldi textans, markmiðum, uppbyggingu og gerð. Stundum skarast flokkunin svolítið, það á m.a. við um fréttaritun sem byggð er á heimildum. Mjög margar kennslubækur eru byggðar á heimildum og skáldsagnaritun getur að hluta til verið það líka. Reglum um meðferð heimilda í þeim skrifum er þó hattáð á annan veg en í hefðbundinni heimildaritun eða fræðiskrifum.

Við skáldsagnaritun hefur höfundur frjálsar hendur og getur skrifað frá eigin brjósti án þess að velta fyrir sér hvort hann fari rétt með staðreyndir. Hann getur meira að segja leikið sér með staðreyndir. Stundum vilja skáldsagna-höfundar að frásögn þeirra virki trúverðug og þá kynna þeir sér vel heimildir og nota sem grunn í skrifin. Það á t.d. við um bækurnar *Hetjur* eftir Kristínu Steinsdóttur, *Korku sögu* eftir Vilborgu Davíðsdóttur, *Gunnlaðar sögu* eftir Svövu Jakobsdóttur og *Rúnagaldur* eftir Elías Snæland Jónsson.

Við ævisagnaritun styðst höfundur við reynslusögur, bréf, minningabrot og svipað efni sem kallast þá heimildir. Sem dæmi má nefna að bókin *Vigdís, kona verður forseti* eftir Pál Valsson er byggð á heimildum, bæði munnlegum og rituðum. Bókin um Magnús Eiríksson tónlistarmann, *Reyndu aftur*, eftir Tómas Hermannsson er byggð á sams konar heimildum.

Vönduð fréttaritun felst í því að segja á hlutlausan hátt frá staðreyndum. Frásagnir og raunverulegir atburðir eru þá heimildir og stundum er efni í fréttir haft eftir tilteknum heimildar-mönnum. Ef heimildir í fréttum eru óáreiðanlegar þykir það ekki bera vitni um vandaðan fréttalutning.


Dagbókarritun felst í því að segja frá eigin reynslu og skoðunum, upplifun og þess háttar. Skrif á bloggsiðum er dæmi um dagbókarritun og flokkast ekki sem heimildaritun. Ein frægasta dagbók allra tíma er líklega dagbók Önnu Frank sem hún hélt í rúm tvö ár, frá 12. júní 1942 til 1. ágúst 1944.

### Gott að vita!

Mismunandi gerðir ritunar

- ✓ skáldsagnaritun
- ✓ ævisöguritun
- ✓ fréttaritun
- ✓ útdráttur
- ✓ dagbókarritun
- ✓ minningargreinar
- ✓ fræðiskrif
- ✓ kennslubókaskrif
- ✓ skyrslugerðir
- ✓ fundargerðir
- ✓ bréfaskrif
- ✓ heimildaritun
- ✓ tölvupóstur
- ✓ blogg
- ✓ ljóðagerð

Heimildaritun felst í skrifum sem eru studd heimildum. Yfirleitt eru heimildirnar ritaðar en munnlegar heimildir eru líka notaðar, t.d. viðtöl við fólk. Í heimildaritun er markmið höfundar að varpa nýju ljósi á viðfangsefnið eða draga saman þekkingu og gera hana aðgengilega. Algengasta heimildaritun í grunn- og framhaldsskólum er kölluð heimildaritgerð.



## Heimildaritgerð

Orðið heimildaritgerð er notað yfir ákveðna tegund ritsmíða sem nemendur skrifa í skóla. Ritgerðirnar geta verið af ýmsum toga og þær geta verið langar eða stuttar. Þær eiga hins vegar sameiginlegt að vera byggðar á áreiðanlegum heimildum. Þær hafa allar *inngang*, *meginmál* og *lokaorð*. Meginmáli er oft skipt í undirkafla sem hver hefur sitt heiti. Orðið meginmál getur aldrei staðið sem kaflaheiti. Heimildaritgerðir hafa alltaf *efnisyfirlit* og *heimilda-skrá*. Það sem greinir þær að er innihaldið.

Í íslenskukennslu eru bókmenntaritgerðir líklega algengasta gerð heimilda-ritgerða en einnig eru ritgerðir unnar í samfélagsfræði, sögu, náttúrufræði, líffræði, heimspeki, tónmennt, myndmennt og fleiri mætti sjálfsgagt nefna. Stundum er vinnan við heimildaritgerð samþætt nokkrum greinum, til dæmis íslensku, samfélagsfræði og myndmennt.

### Nýjar spurningar – ný svör – nýtt sjónarhorn

Í ritgerð sem byggð er á heimildum er reynt að varpa ljósi á ákveðið málefni eða viðfangsefni. Þótt ýmislegt hafi verið skrifað um það áður kemur hver höfundur með nýtt sjónarhorn. Það er að minnsta kosti markmiðið með skrifunum, þ.e. að endurtaka ekki það sem aðrir hafa skrifað heldur að segja eitthvað nýtt. Leita svara við nýjum spurningum sem ritgerðarhöfundur kemur með sjálfur.

### Til hvers eru heimildir?

Í heimildaritgerð setur höfundur fram spurningar sem hann leitar svara við. Þær eru kallaðar *rannsóknarspurningar* og ritgerðin þá rannsóknarritgerð. Stundum eru settar fram tilgátur í stað rannsóknarspurninga. Nánar er fjallað um rannsóknarspurningar á bls. 12. Í heimildaritgerðum eru heimildir notaðar til að afla upplýsinga, leita svara, sanna, afsanna, auka trúverðugleika, staðfesta eða útskýra. Heimildir eru aldrei notaðar sem meginefni ritgerðar.

Í heimildaritgerðum eru notaðar nokkrar heimildir. Ein heimild þykir vera allt of lítið og líklega má segja að þrjár heimildir séu lágmark. Engin ástæða er þó til að nota mjög margar heimildir heldur skal gæta hófs og velja fjölda í sam-

### Gott að vita!

Í heimildaritgerðum eru heimildir notaðar til að:

- ✓ afla upplýsinga
- ✓ leita svara
- ✓ sanna
- ✓ afsanna
- ✓ auka trúverðugleika
- ✓ staðfesta
- ✓ útskýra

ræmi við efni og umfang ritgerðar. Í heimildaskrá eru skráðar allar heimildir sem vísað er til, beint eða óbeint. Þar eru hins vegar aldrei skráðar heimildir sem ekki er vísað til í sjálfum ritgerðarskrifunum.

### Nokkrar gerðir heimildaritgerða

Til þess að þú eigr auðveldara með að sjá fyrir þér hvernig hægt er að byggja upp heimildaritgerð eru hér sýnd þrjú dæmi um ritgerðir í námsgreinum sem eru hver annarri ólík. Bygging þeirra er mjög svipuð.

#### 1. Bókmenntaritgerð

|              |   |
|--------------|---|
| inngangur    | Bókmenntaritgerð hefst á inngangi þar sem gerð er grein fyrir bókinni sjálfrí, þ.e. útgáfuári, útgefanda, útgáfustað og blaðsíðufjölda. Oft er fjallað í stuttu máli um rithöfundinn í inngangi. Sumir kjósa þó að hafa umfjöllun um hann í sérstökum kafla. Algengt er að í inngangi sé stuttur hnitiðaður útdráttur úr efni bókarinnar, tíu til fimmtán línum. Í lok inngangs er tekið fram hvernig fjallað verður um efnið og hvaða spurningum verður svarað í meginmálinu eða á hvað verður lögð áhersla. Ef ritgerðinni er skipt í kafla er gott að segja frá því í inngangi hvernig skiptingunni er háttar og um hvað er fjallað í hverjum kafla. |
| meginmál     | Í meginmáli er fjallað ítarlega um efni bókarinnar um leið og spurningunum sem settar voru fram í inngangi er svarað. Þar setur höfundur ritgerðarinnar fram eigin skoðanir og túlkun á efninu. Gott er að nota textadæmi úr bókinni til að styðja mál sitt. Einnig má vísa í skrif annarra um bókina, t.d. ritdóma sem birst hafa í dagblöðum eða tímaritum. Þegar dæmi eru tekin úr bókinni þarf að gæta þess að hafa blaðsíðutal í sviga svo lesandi ritgerðarinnar geti flett þeim upp og lesið nánar. Meginmáli er stundum skipt niður í smærri kafla sem hver hefur sitt heiti eða fyrirsögn.   |
| lokaorð      | Í lokaorðum eða niðurlagi ritgerðarinnar dregur höfundur saman það helsta úr því sem hann skrifaði, gerir eins konar útdrátt úr eigin skrifum. Æskilegt er að víkka síðan aftur út umfjöllunarefnið, segja eitthvað almennt um það. Jafnvel má varpa fram spurningum sem vöknuðu við ritgerðarsmíðina.  |
| heimildaskrá | Heimildaskrá fylgir með bókmenntaritgerð ef vísað er til annarra rita en skáldsögunnar sem er til umfjöllunar í ritgerðinni. Til dæmis ef notaðir eru ritdómar og handbækur um bókmenntahugtök eða rit með upplýsingum um höfund bókarinnar. Ef ekki eru notuð önnur rit fylgir ekki heimildaskrá.  |

## 2. Samfélagsfræðiritgerð

|  |              |
|--|--------------|
| Ritgerð í samfélagsfræði hefst á inngangi. Gott er að byrja á einhvers konar kveikju, örstuttum texta sem tengist ritgerðarefninu. Góð kveikja er líkleg til að vekja áhuga lesandans. Ef fjalla á um breytta samfélagsmynd á 21. öld gæti ritgerðin hafist á örstuttri lýsingu á samfélaginu eins og það kemur ritgerðarhöfundi fyrir sjónir. Þetta gætu hugsanlega verið fimm-tán til tuttugu línum. Síðan setur höfundur fram spurningar sem hann hyggst leita svara við, segir frá markmiðum sínum með skrifunum og því sem hann ætlar að fjalla um í meginmálinu. Ef ritgerðinni er skipt í kafla er gott að segja frá því í inngangi hvernig skiptingunni er háttar og um hvað er fjallað í hverjum kafla. | ingangur     |
| Í meginmáli er leitast við að svara ítarlega spurningum sem settar voru fram í innganginum. Ef meginmáli er skipt í nokkra undirkalpa gæti hver spurning myndað grunn hvers kalpa. Höfundur ritgerðarinnar byggir skrif sín á áreiðanlegum heimildum og vísar í þær samkvæmt reglum um skráningu. Jafnframt leitast höfundur við að svara spurningunum og setur fram sínar eigin skoðanir sem hann rökstýður.  | meginmál     |
| Í lokaorðum eða niðurlagi dregur höfundur saman það helsta úr því sem hann skrifaði, gerir eins konar útdrátt úr eigin skrifum. Hann getur síðan varpað fram spurningum sem vöknudu við ritgerðarsmíðina eða áhugaverðum vangaveltum.  | lokaorð      |
| Heimildaskrá kemur fyrir aftan lokaorðin. Þar eru skráðar allar heimildir sem vísað er til. Það er gert samkvæmt nákvæmum reglum um heimilda-skráningu.  | heimildaskrá |

### Gott að vita!

Bókmenntaritgerð má ekki verða endursögn. Það nægir að segja frá efni bókarinnar í stuttu máli svipað og gert er í texta aftan á bókkakápum eða hulstri bíómynda. Meginefni ritgerðarinnar á að snúast um einhvern kjarna í sögunni, áhugaverðar persónur, atburði, tilfinningar, átök eða annað sem þér finnst mikilvægt.

### 3. Ritgerð um listamann

|              |  |
|--------------|--|
| inngangur    | Ritgerð um listamann hefst á inngangi þar sem listamaðurinn er kynntur í ör-stuttu máli, t.d. fimmtán til tuttugu línum. Kynningin er einhvers konar kveikja, stuttur texti sem tengist ritgerðarefninu. Góð kveikja er líkleg til að vekja áhuga lesandans. Síðan setur höfundur fram spurningar sem hann hyggst leita svara við, segir frá markmiðum sínum með skrifunum og því sem hann ætlar að fylla um í meginmálinu. Ef ritgerðinni er skipt í kafla er gott að segja frá því í inngangi hvernig skiptingunni er háttáð og um hvað er fyllað í hverjum kafla. |
| meginmál     | Í meginmáli er leitast við að svara ítarlega spurningum sem settar voru fram í innganginum. Ef meginmáli er skipt í nokkra undirkäfla gæti hver spurning myndað grunn hvers kafla. Höfundur ritgerðarinnar byggir skrif sín á áreiðan-legum heimildum og vísar í þær samkvæmt reglum um skráningu. Jafnframt leitast höfundur við að svara spurningunum og setur einnig fram sínar eigin skoðanir sem hann rökstyður. Meginmáli er oft skipt niður í smærri kafla sem hver hefur sitt heiti eða fyrirsögn.   |
| lokaorð      | Í niðurlagi eða lokaorðum dregur höfundur saman það helsta úr því sem hann skrifaði, gerir eins konar útdrátt úr eigin skrifum. Hann getur síðan varpað fram spurningum sem vöknúðu við ritgerðarsmíðina eða áhugaverðum vangavelum.   |
| heimildaskrá | Heimildaskrá kemur fyrir aftan lokaorðin. Þar eru skráðar allar heimildir sem vísað er til. Það er gert samkvæmt nákvæmum reglum um heimildaskráningu.   |

Gott að vita!

Allar **heimildaritgerðir** hafa *inngang*, *meginmál* og *lokaorð*. Orðið *meginmál* getur aldrei staðið sem kaflaheiti. Hins vegar má nota kaflaheitin *inngangur* og *lokaorð* ef ritgerðarefninu er kaflaskipt.

## Ritunarferli í níu þrepum

Gott skipulag á ýmsum sviðum kemur sér vel. Til dæmis þegar íþróttafélag undirbýr keppnisferð. Þá þarf að gera áætlun, velja og hafna, safna gögnum um gistimöguleika og andstæðingana sem keppa á við; það þarf að panta rútu eða kaupa flugmiða. Ef eitthvað fer úrskeiðis í skipulaginu getur ferðin mislukkast. Eins er það með ritgerðarsmiði. Hún kallar á vinnu í mörgum þrepum. Ef einhverjum þrepum er sleppt eða þau illa unnin er hætta á því að heildarútkoman verði léleg.

Hér er ritunarferlinu skipt í níu þrep. Skilin milli þeirra eru ekki alltaf skörp og stundum skarast þau. Til dæmis er sjálfsagt að leiðréttu villur á hvaða þrepi sem er, bæta við spurningum eða breyta þeim, þótt þú sért á þrepi fjögur eða fimm, eða bæta við heimild sem þú rekst á eftir að fyrsta uppkast er tilbúið.

### 1 Að velja efni

Oft hefur þú frjálsar hendur um val á ritgerðarefni. Stundum leggur kennari fram hugmyndalista með uppástungum eða nemendahópurinn kemur sér saman um viðfangsefni. Hvernig sem þessu er háttar kemur þú alltaf til með að ráða einhverju um efnistökin, þ.e. hvernig þú skrifar um viðfangsefnið. Ef þú ætlar til dæmis að skrifa ritgerð um Halldór Laxness eða Michael Jackson þarftu að afmarka efnið og fjalla aðeins um fáa þætti í ævi þessara manna, ákveðin verk eftir þá eða þau áhrif sem þeir höfðu á aðra. Ef efnið er ekki afmarkað er hætt við að þú lendir í ógöngum og skrifir ritgerð sem fjallar eiginlega um ekki neitt eða allt of langa ritgerð. Gott er að lesa sér aðeins til um væntanlegt efni áður en endanlegt val fer fram. Einnig er gott að velja efni sem þú þekkir eitthvað til vegna þess að það er erfitt að skrifa um það sem þú þekkir ekki og meiri hætta á að ofnota heimildir.

#### Gott að vita!

Mikilvægt er að afmarka vel umfjöllunarefnið í ritgerðinni.  
Reyndu t.d. að segja í 30 orðum um hvað þú ætlar að skrifa.

## 2 Hugmyndavinna

Á þessu stigi ritunarinnar eru allar hugmyndir þess virði að skoða þær. Skrifaðu hjá þér allt sem þér dettur í hug um efnið. Ekki hafa áhyggjur af því að hugmyndirnar séu ómerkilegar eða ónothæfar. Þú átt eftir að velja þær bestu úr og vinna betur með þær.

Fleiri en ein leið getur hentað í hugmyndavinnunni:

- ✓ Skrifa hugmyndir á lítil spjöld eða miða sem síðan eru flokkaðar saman eftir efni.
- ✓ Skrifa hugtaka- eða tengslakort.
- ✓ Nota þankahríð eða hugflæði.
- ✓ Halda hugmyndafund með skólafélögum eða fjölskyldunni.
- ✓ Skrifa viðstöðulaust um efnið, allt sem þér dettur í hug, t.d. í tíu mínútur.

## Gott að vita!

Rannsóknarspurning  
hefst gjarnan á  
spurnarorðum:

- ✓ Hvernig ...
- ✓ Hvað er ...
- ✓ Hver ...
- ✓ Hvaða ...
- ✓ Hvenær ...
- ✓ Til hvers ...
- ✓ Hvers vegna ...

## 3 Rannsóknarspurningar

Þegar þú hefur valið efni til að skrifa um er komið að því að skrá rannsóknarspurningar. Með því er átt við þær spurningar sem þú ætlað að leita svara við í ritgerðinni. Þær skipta miklu máli og eru í raun grundvöllur ritgerðarinnar. Stundum hentar að skrá eina aðalrannsóknarspurningu og svo nokkrar undirspurningar. Spurningarnar þurfa að vera þannig að þeim verði ekki svarað með örfáum orðum.

Spurningarnar þurfa að vera opnar og kalla á svör sem eru innihaldsrík. Til lítils er að spyrja: *Er skák vinsæl íþrótt á Íslandi?* Eða: *Er handbolti vinsæl íþrótt?* Lokaðar spurningar kalla á svar sem er örfá orð. Þú þyrftir að skrifa hjá þér mjög margar spurningar til að safna efni í heila ritgerð með spurningum af þessu tagi. *Hvað er það sem gerir skák vinsæla íþrótt á Íslandi?* Eða – *Hvað er heillandi við handboltann?* Þessar opnu spurningar kalla á mun meiri rannsóknarvinnu en þær fyrri.

Ekki nægir að hefja spurninguna á spurnarorði eins og sjá má á eftirfarandi dæmum. Skoðaðu þau og veltu fyrir þér muninum á góðum og slæmum rannsóknarspuringum.

### Góðar rannsóknarspurningar

- Hvað einkennir helstu stöðuvötn á Íslandi?
- Hvað gerir skák vinsæla íþrótt á Íslandi?
- Hver var aðdragandi þess að tekin var upp hægri umferð hér á landi?
- Hvernig er leikjahefð barna á Íslandi hattað?

### Slæmar rannsóknarspurningar

- Hvað eru mörg stöðuvötn á Íslandi?
- Er skák vinsæl íþrótt á Íslandi?
- Hvers vegna var tekin upp hægri umferð hér á landi?
- Eru börn á Íslandi dugleg að leika sér?

Í upphafi ritgerðarvinnunnar er gott að skrá niður eina aðalrannsóknarspurningu. Siðan má skrá fleiri rannsóknarspurningar, svokallaðar undirspurningar. Gott er að byrja á því að skrifa niður fjöldann allan af spurningum sem koma upp í hugann.

### Aðalrannsóknarspurning:

*Hvað gerir skákíþróttina eina af vinsælli íþróttagreinum á Íslandi?*

### Undirspurningar:

*Hvað eru mörg skákfélög á landinu? Tefla jafn margar stelpur og strákar? Hvað eru krakkar gamlir þegar þeir byrja að tefla? Hver kennir þeim oftast? Er hægt að læra skák í skákskóla? Gæti maður lifað á því að tefla? Hvernig er skákahuginn vakinn? Hvernig ætti að viðhalda skákahuga? Í hverju liggar helsti kostnaður við að stunda skák? Hver er helsti ávinningurinn af því að tefla? Eru margir virkir þátttakendur í skákinni? Hvernig er aðstaðan á skákstað? Hvað þarf maður að gera til að fá*

*að fara á skákmót erlendis? Hvað gæti hugsanlega verið leiðinlegt við skák? Hverjir eru þekkastir skákmenn á Íslandi? Hafa margir íslenskir skákmenn orðið frægir í útlöndum? Eru konur líka kallaðar skákmenn? Er hægt að vera atvinnumaður í skák? Hvernig er fjallað um skák í fjölmöldum? Í hvers konar störfum eru starfandi skákmenn? Eru áhugamenn um skák eitthvað öðruvísi en t.d. áhugamenn um fótbolta? Hafa þeir t.d. aðra menntun, eru þeir á öðrum aldri? Er lögð áhersla á likamlega hreysti? Hver stjórnar skák-hreyfingunni á Íslandi? Eru til lög um skák? Hver veitir styrki? Hvernig er félagslíf i skákíþróttinni?*

Þegar spurningarnar eru orðnar svona margar kemur í ljós að það þarf að flokka þær, tengja spurningar saman, umorða þær, henda einhverjum út – og jafnvel bæta öðrum við. Spurningarnar sem þú svarar munu hins vegar mynda grunn í skrifin þín.

Ekki er nauðsynlegt að setja fram beina spurningu í sjálfum ritgerðarskrifnum. Þú getur umorðað spurninguna og sett fram sem fullyrðingu. Dæmi:  
*Ég mun skoða hvað það er sem gerir skákíþróttina eina af vinsælli íþróttagreinum á Íslandi.*

## Gott að vita!

### Frumheimild

Með frumheimild er átt við upprunalegustu heimildina eða elstu útgáfu af riti. Frumheimildir byggjast ekki á öðrum heimildum líkt og kennslubækur gera oft.

### Dæmi

#### Efnisgrind:

1. Upphof skákíþróttarinnar
2. Helstu mótt
3. Félagsskapur
4. Atvinnumennska og styrkir
5. Fagmennska
6. Vandi skákíþróttarinnar
7. Skák og tölvur

## Gott að vita!

### Uppkast

Hálfkláruð ritsmíð er oft kölluð uppkast. Gott er að vista eintak af uppkasti og merkja skjalið t.d. FYRSTA UPPKAST. Oft eru nemendur beðnir að skila þessu uppkasti með lokaútgáfu ritgerðar.

## 4 Efnisöflun

Efnisöflun felst í því að finna viðeigandi skrif um ritgerðarefnið. Á bókasöfnum er margt að finna og þar er hægt að leita aðstoðar hjá kennara eða starfsmanni. Stundum leyනast góðar heimildir í bókahillunum heima. Einfaldast er að leita í gagnaskrá eins og *Gegni* – [www.gegnir.is](http://www.gegnir.is). Þar getur þú leitað að efni eftir höfundum, bókatitlum eða efnisorðum og nálgast síðan efnið á bókasafni. Einnig má finna efni á netinu, t.d. á *Visindavefnum* eða *Tímarit.is*. Efnisöflun getur oft verið tímafrek og því skaltu gefa þér góðan tíma til að leita. Mundu eftir að skrá hjá þér jafnóðum heimildirnar sem þú notar því það getur orðið erfitt að leita þeirra aftur seinna til að skrá þær í heimildaskrána. Hafðu í huga að frumheimildir eru alltaf áreiðanlegastar. Kennslubækur eru yfirleitt ekki frumheimildir.



## 5 Efnisgrind

Þegar rannsóknarspurningar liggja fyrir og heimildirnar eru fundnar er kominn tími til að skrifa efnisgrind. Hún verður síðar grunnur að efnisgrind og jafnframt kaflaskiptingu. Efnisgrindin tekur yfirleitt breytingum eftir því sem líður á vinnuna. Þegar efnisgrindin er tilbúin er kominn tími til að hefja sjálfar skriftirnar.

## 6 Fyrsta uppkast

Talað er um að fyrsta uppkastið sé tilbúið þegar þú hefur lagt grunn að öllum köflum ritgerðarinnar með því að lesa og skrifa um efnið. Þá ættir

þú að vera með í höndunum verk sem er komið vel á veg og tímabært að hefja yfirlestur. Á þessu stigi athugar þú m.a. hvort eitthvert efni vanti í ritgerðina og hvort því sé raðað í eðlilega röð þannig að eitt leiði af öðru. Athugaðu líka hverju þú gætir bætt við. Farðu vel yfir spurningarnar sem þú skrifaðir í upphafi og vertu viss um að þú hafir svarað þeim á viðunandi hátt. Getur verið að spurningar vanti sem þú ættir að bæta inn á þessu stigi? Þú hefur enn góðan tíma til endurbóta. Hafðu í huga að þú ert að skrifa fyrir þann sem veit lítið eða ekkert um efnið. Þess vegna getur oft verið ástæða til að útskýra eitthvað sem þér finnst auðskiljanlegt.

## 7 Annað uppkast

Þegar þú hefur bætt inn öllu efni sem á heima í ritgerðinni og tekið út það sem ekki á heima þar er kominn tími til að lesa yfir með það í huga að endurbæta textann. Farðu einnig vel yfir heimildaskrá, athugaðu hvort tilvísanir í heimildir séu réttar og hvort beinar tilvitnanir séu örugglega rétt skráðar. Gott er að lesa ritgerðina upphátt, annaðhvort í hálfum hljóðum eða fyrir ættingja eða vini. Þannig heyrist oft ef orðalagi er ábótavant.

## 8 Prófarkalestur

Við prófarkalestur er gott að nota villuleitarforrit til að koma í veg fyrir slæmar stafsetningarávillur eða ásláttarvillur. Slík forrit finna þó aldrei allar villur svo þú þarf líka að lesa mjög vel yfir. Gættu þess að hafa ekki tvö stafabil milli orða, farðu vel yfir hvert orð, hverja setningu, öll greinarmerki. Flettu upp í orðabókum ef þú ert í vafa. Mörgum finnst gott að prenta út textann, lesa hann yfir þannig og færa síðan leiðréttningar inn í skjalið í tölvunni. Þú getur notað endurunninn pappír í þeim tilgangi, prentað aftan á blöð sem annars yrði fleygt.

## 9 Lokafrágangur

Áður en þú prentar út lokaentak af ritgerðinni skaltu yfirfara og uppfæra efnisyfirlitið og bera það saman við kaflaheitin í sjálfri ritgerðinni. Athugaðu líka hvort samræmi sé milli blaðsíðutals og efnisyfirlits. Farðu vel yfir forsíðuna og gáðu hvort allar upplýsingar þar séu rétt skráðar. Farðu yfir heimildaskrána og athugaðu hvort þar sé allt eins og á að vera. Skoðaðu fyrirsagnir og vertu viss um að samræmi sé í leturstærð þeirra, bil fyrir ofan og neðan fyrirsagnir og númer. Þegar þú hefur prentað út ritgerðina skaltu skrifa nafn þitt á viðeigandi stað.


## Um hvað viltu skrifa?

Góð regla er að velja ritgerðarefni sem vekur áhuga þinn eða efni sem þig langar til að kynna þér nánar. Stundum er líka sagt að best sé að skrifa um það sem maður þekkir vel sjálfur. Önnur góð regla er að gæta þess að til séu nógur góðar heimildir um efnið sem þig langar að skrifa um. Til dæmis er ekki gott að ætla að skrifa heimildaritgerð um húsið sem þú býrð í nema það sé hús með sögu og eitthvað hafi verið skrifað um það.

### Ertu í vandræðum með að velja efni?

Ef þér gengur illa að velja efni eða ákveða hvernig þú ætlar að skrifa um það er gott ráð að ræða við einhvern um málið. Þú gætir t.d. rætt við kennarann, bókasafnsfræðinginn, nemendur í bekknum, vini, foreldra eða ættlingja. Ótrúlegustu hugmyndir verða til í samræðum. Einnig getur verið gott að teikna hugarkort eða tengslamynd, ef þú ert með einhverja hugmynd en áttar þig ekki alveg á því hvernig þú gætir skrifað um hana.

Skrifaðu helst um eitthvað sem þú þekkir eða hefur áhuga á en vertu viss um að það sé alveg ljóst hverju þú vilt koma á framfæri með skrifunum. Gætta þess að ætla ekki að gera mörgum þáttum skil eða fjalla of almennt um efnið. Það er ekki markmið heimildaritgerða. Markmið þeirra er frekar að varpa nýrri sýn á eitthvert afmarkað efni.



## Málfar og stíll

Texti í heimildaritgerðum þarf að uppfylla ákveðnar kröfur. Hann þarf að vera vandaður, skýr og laus við allar stafsetningarvillur. Blæbrigðaríkur texti með vönduðu og fjölbreyttu orðavali gefur skrifunum aukið gildi. Þú skalt hins vegar aldrei nota orð eða orðatiltæki sem þú skilur ekki.

### 1. eða 3. persóna

Hægt er að skrifa heimildaritgerð annaðhvort í 1. eða 3. persónu. Í inngangi og lokaorðum fer oft vel á því að skrifa 1. persónu en hafa meginmálið í 3. persónu.

Skoðaðu vel muninn á eftirfarandi málsgreinum og veltu fyrir þér hvaða áhrif mismunandi persóna hefur á stílinn.

- ✓ Mér finnst mikilvægt að minnast á þetta.
- ✓ Höfundi finnst mikilvægt að minnast á þetta.
- ✓ Mikilvægt er að minnast á þetta.
  
- ✓ Í ritgerðinni mun ég leita svara við ýmsum spurningum.
- ✓ Í ritgerðinni leitar höfundur svara við ýmsum spurningum.
- ✓ Í ritgerðinni verður leitað svara við ýmsum spurningum.

#### Dæmi

##### 1. persóna

Ég mun gera skýra grein fyrir aðdraganda þess að hægri umferð var tekin upp. Ég er það ungur að ég þekki ekki söguna af eigin raun en foreldrar mínrí mun vel eftir þessum tímamótum.

##### 3. persóna

Höfundur mun gera skýra grein fyrir aðdraganda þess að hægri umferð var tekin upp. Höfundur er það ungur að hann þekkir ekki söguna af eigin raun en foreldrar hans mun vel eftir þessum tímamótum.

## Óvandað mál

Óvandað mál er býsna algengt, bæði í rituðu máli og töluðu. Auðvelt er að bæta úr slíku með því að lesa vel yfir textann og leita sérstaklega eftir villum eða því sem betur má fara. Gott er að lesa yfir textann upphátt því þannig heyrist oft ef orðalag er óeðlilegt, ef orð vantar eða þau eru tvítekin, jafnvel sömu orð notuð aftur og aftur. Gættu þess að nota rétt orðtök og málshætti. Notaðu orðabækur ef þú ert í vafa.

Dæmi

### Endurtekningar

- Þegar **maður** hefur litið á allar staðreyndir málsins verður **maður** nokkuð öruggur um að **maður** hafi rétt fyrir sér enda fátt sem kemur **manni** á óvart.
- Þegar **þú** velur efni í ritgerð verður **þú** að vanda þig.
- það** er ekki víst að **það** verði allt í lagi með þessi skrif. **það** á eftir að koma í ljós.
- Ég skil ekki **fólk** sem hendir rusli út um allt. En **það** er fullt af **fólk** sem sér ekkert athugavert við **það**. Mér finnst að **það** ætti að sekta **fólk** fyrir sóðaskap svo **fólk** læri að ganga betur um.

## Vandað mál

Vandað mál og skýrt á auðvitað alltaf við en ekki síst í skrifum sem aðrir lesa. Hafa þarf í huga að merkingin komist vel til skila, að notuð séu viðeigandi orð sem hæfa efninu og ritgerðarforminu. Hversdagsleg orð eiga síður við en hátíðleg. Gott er fletta upp í samheitaorðabók til að finna fleiri orð sömu merkingar.

Dæmi

bifreið – bíll  
börn – krakkar  
drengur – strákur  
stúlka – stelpa  
rita – skrifa  
aðeins – bara  
fjölbýlishús – blokk

## Talmálsstíll

Í skáldsagnaritun og persónulegum skrifum er oft eðlilegt að nota talmálsstíl. Hann á hins vegar ekki við í formlegum skrifum eins og heimildaritgerð. Talmálsstíll einkennist t.d. af hikorðum, mörgum samtengingum, hversdagslegum orðum og endurtekningu. Sumum hættir til að blanda saman hátíðlegum stíl og talmálsstíl. Byrja kannski á því að vera frekar hátíðlegir en gleyma svo hátíðleikanum og fara að skrifa í hversdagslegum stíl. Slikt þarf að forðast.

## Dæmi

Í eftirfarandi málsgreinum má finna dæmi um talmálsstíl. Hvernig má færa þær til betri vegar þannig að talmálsstíllinn hverfi?

- ✓ Mikið rosalega verður áhugavert að skoða þetta.
- ✓ Stundum verður manni lítið úr verki þegar maður er ferlega þreyttur.
- ✓ Ég er nú ekki að nenna að pæla í svoleiðis hlutum.
- ✓ Ég vil nú meina að það sé allt í lagi.
- ✓ Hvað hefur eiginlega skeð hér?
- ✓ Hér skrifa ég smá um ævi höfundar.
- ✓ Þetta var rosalega skemmtileg vinna en líka rosalega erfið.

## Stafsetning

Eitt af því sem ritgerðarhöfundur verður að hafa vakandi auga með er rétt stafsetning. Ef textinn er fullur af villum missir hann trúverðugleika og hætt er við að lesandinn fari að hugsa meira um stafsetningarávillur en innihaldið. Koma má í veg fyrir margar villur með því að nota villuleitarforrit. Þau geta hins vegar aldrei fundið allar villurnar og duga ekki ein og sér.

### Algeng villuorð:

*allan, annarra, að sumu leyti, á næsta  
leiti, álit, álita, einkunn, fimmleytið, fjöl-  
brautaskóli, heimildaskrá, hvitasunna, ímyndun, jarðarber, jarðarför, jól,  
mánaðamót, nýi, nýja, páskar, skíra, skýrsla, sólskin, systkini, tölva, uppgötva,  
verslunarmannahelgi, þennan, þykkjan, þátttaka*



**Forðastu:**

- ✓ Að skipta orðum milli lína ef þú ert í vafa um hvernig á að skipta. Sumum orðum er ekki hægt að skipta, það á t.d. við um orðin *ánægja*, *ímynda*, *ósköp* og *óábyrg*.
- ✓ Að blanda saman bókstöfum og tölustöfum til að tákna tölu, segja t.d. 3ja, 4ra.
- ✓ Að slíta orð í sundur sem skrifa á í einu orði. Slíkt má oft sjá gert á bókkápum.
- ✓ Að nota raðtölu þar sem hún á ekki við. Ekki segja til dæmis 22. ára gamall maður.
- ✓ Að setja stóran staf í síðari hluta samsettra heita og titla eins og *Norræna húsið*, *Englar alheimsins*, *Mál og menning*.
- ✓ Að nota stundum tölustafi og stundum bókstafi til að tákna tölur. Meginreglan er sú að að nota bókstafi til að skrá lægri tölur, t.d. upp að tólf eða fjórtán. Hún er þó ekki algild.

**Greinarmerki**

Rétt greinarmerkjasetning er mikilvæg í allri ritun og vinnu með texta. Auk þess að setja punkta, kommur, gæsalappir og önnur merki á viðeigandi staði þarftu að skammstafa orð rétt og hafa bil við greinarmerkin samkvæmt reglum þar um.

**Athugaðu eftirfarandi:**

- ✓ Ekki er hafður punktur á eftir fyrirsögn, hvorki í aðalfyrirsögn, undirfyrirsögn né millifyrirsögn.
- ✓ Aðeins eitt bil er á eftir punkti og kommu.
- ✓ Íslenskar gæsalappir eru „svona“, eins og 99 og 66.
- ✓ Í skammstöfunum eru jafn margir punktar og orðin sem eru skammstöfuð. Orðin *til dæmis* eru skammstöfuð *t.d.*, *síðastliðinn sl.*, og *svo framvegis o.s.frv.* Hafðu í huga að nota skammstafanir í heimildaritgerð í hófi.
- ✓ Ef þú skammstafar dagsetningar skaltu gæta þess að gera það rétt, t.d. 22. feb.–13. sept.

## Leitarvefir og bókasafn

Bókasöfn og heimildaritgerðir eiga vel saman. Á bókasöfnum er hægt að kynna sér ýmislegt sem skrifð hefur verið um ritgerðarefnið og starfsfólkið þar er reiðubúið að aðstoða þig.

Leitarvefir eins og *Google* og *Leit, Yahoo* og *Altavista, tímarit.is* og *skemman.is* henta vel til þess að kynna sér skrif um ritgerðarefnið en á *Gegni*, samskrá íslenskra bókasafna, eru upplýsingar um bækur, greinar eða ritgerðir sem hafa verið skrifðar um sama eða svipað efni. Gættu þess vel að efni sem þú finnur á netinu getur verið óáreiðanlegt. Meginreglan er að nota aldrei efni nema það sem er merkt á skýran hátt höfundí eða stofnun. Efni á *Vísindavefnum* er að öllu jöfnu í góðu lagi vegna þess að þar kemur fram hver höfundur þess er.

### Leitartækni

Leitin að réttu heimildunum getur verið tímafrek. Með því að leita markvisst getur þú bæði auðveldað þér vinnuna og flýtt fyrir þér, hvort sem þú leitar á netinu eða á bókasafni, í tímaritum eða dagblöðum. Eftirfarandi atriði er gott að hafa í huga.

#### 1 Búðu til lista yfir leitarorð

Veltu fyrir þér hvaða lykilord tengjast ritgerðarefninu. Ef þú værir t.d. að skrifa ritgerð um skák á Íslandi gætir þú leitað að orðum eins og *stórmestari, skákmót, taflmennska, taflmenn, taflfélög, taflmót*.

#### 2 Notaðu fleiri en eina tegund leitar

Auk þess að nota leitarorð sem tengjast ritgerðarefninu beint getur þú leitað eftir höfundum efnis og titli. Þú getur líka þrengt leitina í leitarvélum með því að slá inn nokkur orð í einu. Í flestum leitarvélum getur þú þrengt eða víkkað fyrirspurnina með því að nota hjálparorð. Kynntu þér í leiðbeiningum á hverjum leitarvef hvernig best er að bera sig að.

#### 3 Leitaðu á mörgum stöðum

Ekki láta nægja að leita eingöngu á *Google*. Þú getur notað fleiri leitarvefi og einnig bækur, tímarit, dagblöð, geisladiska, útvarps- og sjón-

varpsefni. Auk þess að nota heppileg lykilorð í leitarvélum getur verið gott að skoða efnisyfirlit í bókum og atriðisorðaskrá sem oft má finna aftast í þeim.

## 4

### Skráðu allt hjá þér jafnóðum

Mundu eftir að skrá alltaf hjá þér hvar þú finnur heimildirnar. Það getur kostað mikla vinnu að finna heimildina aftur ef þú t.d. ljósritar eina síðu úr bók eða prentar út efni af Netinu og gleymir að skrá niður hvaðan efnið er komið. Þú getur ekki notað heimild í ritgerðina þína nema hafa allar upplýsingar um hvar hana er að finna. Gott ráð er að vista allar slóðir á vefefni í skjal jafnóðum og skrá jafnframt í örfáum orðum hvers konar efni þetta er.

### Áreiðanleiki heimilda

Í heimildaritgerðum er mikilvægt að nota aðeins vandaðar og áreiðanlegar heimildir. Þær má finna í bókum sem gefnar eru út á ábyrgð útgefanda, í tímarits- eða blaðagreinum sem birtar eru á ábyrgð ritstjóra og jafnvel heimasíðum á netinu sem uppfylla ákveðin gæðaviðmið, t.d. ýmis veftímarit.

Yfirleitt er auðveldara að átta sig á áreiðanleika prentaðs efnis en efnis á netinu enda geta allir sem vilja sett efni á netið. Þess vegna er mikils um vert að meta áreiðanleikann, t.d. með því að hafa eftirfarandi gátlista í huga. Ef þér sýnist að heimildin sem þú ert með í höndunum uppfylli ekki kröfur um ákveðin gæði skaltu ekki nota hana. Ef þú ert í vafa skaltu leita til kennara eða bókasafnsfræðings.



## Gátlisti við mat á heimildum á netinu

1. Kemur skýrt fram hver er höfundur textans?
2. Er höfundur þekktur á fræðasviði sínu? Getur þú t.d. fundið efni eftir hann á fleiri stöðum á netinu eða í Gegni?
3. Kemur skýrt fram hvenær textinn var skrifaður?
4. Kemur skýrt fram hver ber ábyrgð á vefsíðunni sem birtir efnið?
5. Er þetta gamalt efni eða nýtt? Nýtt efni er oft áreiðanlegra.
6. Hefur vefsíðan verið uppfærð nýlega?
7. Virðist efnið vera áreiðanlegt?
8. Er vísað í heimildir?
9. Er hægt að sjá fyrir hvern efnið er skrifað?
10. Er textinn byggður á skoðunum höfundar fyrst og fremst eða á áreiðanlegum staðreyndum?
11. Virðast heimildirnar í heimildaskránni henta ritgerðarskrifum þínum?

 **Kennarasogur.is**  
Reynslusögur kennara

[Á forsiðu](#) | [Um vefinn](#) | [Heimildir](#) | [PEEL](#) | [Starfendarannsóknir](#) | [Reynslusögur](#)

**Vefur með reynslusögum kennara og fræðsluvefur um starfendarannsóknir**  
Höfundur: Eygló R. Sigurðardóttir



höfundur

kynning á vefnum

netfang

því að senda sögur á [kennarasogur@kennarasogur.is](mailto:kennarasogur@kennarasogur.is)

ártal

©Kennarasogur.is - 2009 - [kennarasogur@kennarasogur.is](mailto:kennarasogur@kennarasogur.is)

## Höfundaréttur og ritstuldur

Höfundaréttur er þýðingarmikið hugtak. Það merkir að sá sem hefur skrifaoð texta sem hefur verið birtur einhvers staðar, t.d. í bók, blöðum eða á netinu, á einn rétt á honum. Öðrum er óheimilt að nota textann nema taka fram hvaðan hann kemur. Það sama á við um tónlist og ljósmyndir. Ef efni er notað án þess að heimilda sé getið kallast það ritstuldur. Ritstuldur er alvarlegt mál og varðar við lög. Þannig er t.d. óheimilt að sækja efni á netið og líma það inn í texta nema taka skýrt fram hvaðan efnið er fengið. Það nægir ekki að breyta orðalagi örlítið eða gera útdrátt úr efninu til þess að gera það að sínu. Slíkt er líka óheimilt nema vísað sé til höfundar.



Í heimildaritgerðum getur ritstuldur þýtt að nemandi fái ekki einkunn fyrir ritsmíðina. Í framhaldsskóla getur ritstuldur þýtt að nemandi falli í faginu eða verði vísað úr skóla. Jafnvel getur nemandi búist við því að þurfa að skila prófskírteini ef ritstuldur kemur í ljós eftir að hann útskrifast. Vinna með heimildir er áhugaverð en jafnframt mikil nákvæmisvinna. Eitt af því sem er mikilvægast er að nota heimildir á réttan hátt. Ákveðið jafnvægi þarf að ríkja milli eigin texta og texta sem vísað er til. Ritgerðin á þannig að vera hæfileg blanda af þínum eigin texta og efni sem þú finnur í heimildum.

Í hvert skipti sem þú notar efni sem aðrir hafa skrifaoð áttu að taka það skýrt fram með því að vísa í heimildina. Það gerir þú með því að setja upplýsingar í sviga inn í textann þinn og skrá heimildina í heimildaskrá sem fylgir ritgerðinni.

inngangur

Dæmi

## Skipulag og uppbygging skrifanna

Þegar talað er um byggingu ritgerða má hugsa sér sama ferli og við byggingu mannvirkja. Fyrst fer í gang hugmyndavinna um bygginguna, hvernig hún eigi að vera, hvað margar hæðir, hve margir inngangar og fleira í þeim dúr. Síðan fer hönnunarvinna af stað, teikningar og þess háttar. Að því loknu efnisöflun, svo sjálf smíðin og að lokum frágangsvinnan. Á sama hátt er ritgerðarsmíðin ferli þar sem hver þáttur tekur við af öðrum en þættirnir skarast stundum svoltið. Hver þáttur hefur sitt hlutverk sem er mikilvægt til að byggja eina samstæða heild.

### Inngangur – meginmál – lokaorð

Þegar þú segir brandara, lest frétt eða skáldsögu, horfir á bíómynd eða fræðsluþátt getur þú verið viss um að efninu er skipt í þrjá meginhluta, þ.e. inngang, meginmál, niðurlag. Þessi þrískipting getur síðan haft mismunandi útfærslu; inngangurinn verið mjög stuttur eða mjög langur, niðurlagið býsna endasleppt eða jafnvel vantað alveg. Stundum er ekki alveg greinilegt hvar innganginum lýkur og meginmál hefst eða lokaorð.

Heimildaritgerð hefur alltaf skiptingu í inngang, meginmál og lokaorð en alltaf er skýrt hvar inngangi lýkur og meginmál hefst enda er algengast að skipta efninu niður með því að nota fyrirsagnir eins og *Inngangur* eða *Lokaorð*. Hins vegar má aldrei nota fyrirsögnina *Meginmál*. Meginmálið þarf alltaf að fá sérstakt kaflaheiti og oftast er því skipt í nokkra kafla sem hver fær sitt heiti í samræmi við innihald. Ekki er ástæða til að hefja hvern kafla á nýrri síðu í stuttum ritgerðum.

Hefðbundin uppbygging eða röðun efnis í heimildaritgerð:

- ✓ forsíða
- ✓ efnisyfirlit
- ✓ inngangur
- ✓ meginmál – oft skipt í nokkra kafla
- ✓ lokaorð
- ✓ heimildaskrá

### Tölvupóstur

Komdu sæll, Breki, og takk fyrir fundinn í dag. Í framhaldi af honum langar mig að nefna að mér þætti mjög áhugavert að skoða þetta með að breyta skólareglunum og leyfa nemendum að vera í yfirhöfnum í kennslustundum. Ég er hins vegar efins um símana. Við skulum ræða þetta betur á næsta fundi.

Góðar kveðjur.

Rósa Lind

meginmál

niðurlag

Gott að vita!

### Saurblað

Á eftir forsíðu er stundum autt blað, svokallað *saurblað*. Því er ætlað að koma í veg fyrir að textinn frá efnisyfirlitinu sjáist í gegn. Margir líta hins vegar á saurblað sem pappírssóun.

## Dæmi

## Efnisyfirlit

1. Inngangur
  2. Upphof skákiþróttarinnar
  3. Stórmestarar
    - 3.1 Íslenskir stórmestarar
    - 3.2 Erlendir stórmestarar
  4. Skák sem atvinnumennska
  5. Skák sem tómstund
  6. Lokaorð
- Heimildaskrá

## Gott að vita!

Ritgerð ætti ekki að  
hefjast á orðunum:  
*Í þessari ritgerð  
ætla ég ...*

## Forsíða

Útlit forsíðna getur verið mismunandi en nokkur grundvallaratriði þurfa að vera í lagi. Á forsíðu er titill ritgerðarinnar eða heiti ásamt upplýsingum um nafn höfundar, skóla, áfanga eða fag. Sumir kjósa að hafa nafn kennara á forsíðu. Vanda skal uppsetningu á forsíðu og fylgja nákvæmlega leiðbeiningum. Forsíðan er aldrei tölusett. Skoðaðu nánari leiðbeiningar um gerð forsíðna á bls. 46.

## Efnisyfirlit

Kaflaheiti í efnisyfirliti sýna lesandanum hvernig ritgerðin er byggð upp og gefa vísbindingu um innihald. Ritvinnsluforrit gefa kost á sjálfvirkri aðferð við gerð efnisyfirlits. Kostir þess að nota slíkt kerfi eru t.d. þeir að ef þú breytir fyrirsögn í textanum breytist heitið í efnisyfirlitinu sjálfkrafa. Blaðsíðatal kemur líka sjálfkrafa fram í efnisyfirliti sem unnið er í ritvinnsluforritinu. Stundum eru kaflaheitin númeruð en í stuttum ritgerðum er ekki þörf á flóknú númerakerfi.

## Inngangur

Í inngangi er gerð grein fyrir meginnefni ritgerðarinnar. Gott er að hefja skrifin með góðri kveikju eða inngangssetningu þar sem áhugi lesandans er vakinn. Tvær til þrjár málsgreinar gætu verið heppileg lengd. Síðan er gerð grein fyrir viðfangsefni ritgerðarinnar og þeim spurningum sem skrifin eiga að svara. Einnig er tekið fram hvernig efninu er skipt niður í kafla og hvað hver kafla fjallar um. Lengd inngangs getur verið frá hálfri til einnar síðu. Ekki er gott að byrja innganginn á orðunum: „Í þessari ritgerð ætla ég að fjalla um ...“ Skoðaðu dæmin þar sem sýnt er hvernig ritgerð gæti hafist.

## Dæmi

## Hvernig getur ritgerð hafist?

- A Kleinubakstur á sér langa sögu. Kannski svo langa að erfitt verður að gera grein fyrir henni í stuttu máli. Mig langar hins vegar ...
- B Íslendingasögur er sá flokkur íslenskra bókmennta kallaður sem gerist að mestum hluta á Íslandi á tímabilinu frá því á landnámsöld og fram á fyrri hluta 11. aldar. Í sögunum ...
- C Eitt af því sem mér finnst mikilvægast í lífinu er að takast á við ögrandi og gefandi verkefni. Þess vegna ákvað ég að ...
- D Guðrún Kvaran segir í bókinni Orð (2005) að flest íslensk örnefni hafi borist hingað með landnámsmönnum. Það finnst mér mjög áhugavert og ...

## Meginmál

Aðalefni ritgerðarinnar er kallað meginmál. Þar er spurningum sem settar eru fram í inngangi svarað í samfelldu máli. Meginmáli er gjarnan skipt í nokkra kafla sem hver hefur sína fyrirsögn. Kaflarnir mega þó ekki verða of stuttir. Aldrei skal nota orðið „meginmál“ sem kaflaheiti heldur eiga fyrirsagnir kafla að endurspeglar vel innihald þeirra. Gott er að hefja nýjan kafla á einum til tveimur málsgreinum sem lýsa því sem á eftir kemur.

Í meginmáli eru viðfangsefninu gerð skil og heimildir notaðar markvisst. Vísa skal í heimildir þegar það á við og ágætt er að draga saman einhverja niðurstöðu í lok hvers kafla. Áhersla skal lögð á aðalatriðin samkvæmt markmiðum ritgerðar.

## Lokaorð

Í lokaorðum eru aðalatriði ritgerðarinnar dregin saman í nokkurs konar útdrátt. Í niðurlagi er efni meginmáls tekið saman. Þar kemur fram á stuttan og hnitmiðaðan hátt um hvað ritgerðin fjallar. Að sumu leyti verða lokaorðin endurtekning á því sem kemur fram í meginmáli. Í lokaorðum er mikilvægt að skoða hvort spurningum sem settar voru fram í inngangi hafi verið svarað nógum ítarlega. Auk þess að svara spurningunum getur þú sett fram skoðun þína á efninu og sýnt þannig sjálfstæði og frumleika.

Í lokaorðum getur þú sett fram spurningar sem vöknuðu við skrifin eða hugrenningar um efni þeim tengt. Hins vegar á ekki að fjalla um neitt nýtt efni í lokaorðunum, þ.e. eitthvað sem ekki hefur verið útskýrt eða fjallað um í ritgerðinni.

Mörgum hættir til að hafa lokaorðin of stutt. Hálf til ein síða er oftast hæfilegt. Ekki er heppilegt að enda kaflann með því að segja ENDIR eða TAKK FYRIR og ekki ætti að bera fram neinar afsakanir, t.d. að ekki hafi verið tími til að gera þetta betur, að ekki hafi fundist nógum margar heimildir eða eitthvað í þeim dúr. Ef þér finnst þú þurfa að afsaka eitthvað skaltu fara yfir ritgerðina með það í huga að gera betur en ekki segja frá því að þú hefðir viljað gera eitthvað öðruvísi en þú gerðir.

## Gott að vita!

### Forðastu klisjur eins og:

- ✓ Vegna plássleysis er ekki hægt að fjalla meira um efnið.
- ✓ Ég vona að þú hafir haft eithvert gagn og gaman af lestrinum.
- ✓ Vinnan við þessa ritgerð var mjög lærdómsrík.
- ✓ Endir
- ✓ Takk fyrir

## Heimildaskrá

Í heimildaskrá eru skráðar allar heimildir sem vísað er til í ritgerðinni. Gæta þarf þess að fara eftir nákvæmum reglum um skráningu heimilda. Aldrei á að skrá heimild nema til hennar sé vísað í sjálfum skrifunum. Ef þú hefur t.d. lesið bók eða grein og komist að því að efnið hentar ekki við ritgerðarskrifin sleppir þú því að nefna hana í heimildaskránni.

|                             |                       |
|-----------------------------|-----------------------|
| <b>galdrar</b>              | veður                 |
| <b>ritstörf</b>             | stóriðja              |
| <b>farartæki</b>            | tæknifrjóvgun         |
| <b>HAMFARIR</b>             | <b>SÖNGVAKEPPNI</b>   |
| <b>hljóðfæri</b>            | stjörnuspeki          |
| myndasögur                  | <b>pjóðhöfðingjar</b> |
| þekktir einstaklingar       | loftlagsbreytingar    |
| <b>vatnsaflsvirkjun</b>     | <b>leikrit</b>        |
| spil MENNTUN                | stærðfræði            |
| jarðhræringar               | eineiti               |
| heimsfaraldur               |                       |
| vetraríþróttir              |                       |
| leiklist                    |                       |
| atvinnuvegir                |                       |
| <b>tungumál</b>             |                       |
| samgöngur                   |                       |
| <b>ljósmyndun</b>           |                       |
| kynjamisrétti               |                       |
| SKÝSTRÓKAR                  |                       |
| landbúnaður                 |                       |
| <b>skiptinám bökmenntir</b> |                       |
| sjúkdómar                   |                       |
| fiskveiðar                  |                       |
| trúmál                      |                       |
| tækni                       |                       |
| kreppa                      |                       |
| íþróttir                    |                       |
| dýrategundir                |                       |
| geimvisindi                 |                       |
| <b>FERÐALÖG</b>             |                       |
| erlendar þjóðir             |                       |
| skák                        |                       |
| <b>listdans</b>             |                       |
| álfar                       |                       |
| hetjur                      |                       |
| hjátrú                      |                       |
| <b>IBNAÐUR</b>              |                       |
| tölvuleikir                 |                       |
| baktal                      |                       |
| hnattvæðing                 |                       |
| <b>fólksflutningar</b>      |                       |
| strið                       |                       |
| þjóðhöfðingjar              |                       |
| tölvur                      |                       |
| sjúkdómar                   |                       |
| hardindi                    |                       |
| <b>stjórnur</b>             |                       |
| ríkidæmi                    |                       |
| glæpir                      |                       |
| hlýnun                      |                       |
| jarðar                      |                       |
| <b>fréttamennska</b>        |                       |
| unglingar                   |                       |
| <b>TRÚFÉLÖG</b>             |                       |
| tónlist                     |                       |
| <b>úsindi</b>               |                       |
| vinátta                     |                       |
| refsingar                   |                       |
| hiúkrun                     |                       |
| kynslópabil                 |                       |
| trúarbrögð                  |                       |

fótbolti  
líkamsrækt  
áhugamál  
gæludýr

## Tilvitnun og tilvísun

Heimildaritgerðir eru, eins og nafnið bendir til, byggðar á heimildum, þ.e. efni sem aðrir hafa samið. Í hvert skipti sem þú notar texta sem aðrir hafa skrifað eða hugmynd sem aðrir hafa komið fram með áttu að taka það fram með því að vísa í heimildina. Það er kallað *tilvísun*. Grundvallarreglan við að skrá tilvísun er að taka fram:

- ✓ hver höfundur textans er
- ✓ hvaða ár textinn var gefinn út
- ✓ á hvaða blaðsíðu textann er að finna

Þessi vinnubrögð fylgja einföldum og skýrum reglum sem gott er að tileinka sér. Hægt er að nota þrjár leiðir við að skrá tilvísun í texta. Gættu þess að velja eina leið og halda þig við hana í allri ritgerðinni. Stundum er tekið fram í fyrirmælum um frágang ritgerðarinnar hvaða aðferð þú átt á nota. Fyrsta aðferðin er skýr og aðgengileg og hentar vel nemendum í grunn- og framhaldsskóla.

### Tilvísanir í heimildaskrá geta verið með þrennu móti:

1. Í sviga inni í texta strax á eftir tilvitnuninni.
2. Í neðanmálgrein neðst á blaðsíðu og eru tilvísanir þá númeraðar.
3. Í lista sem kemur fyrir aftan texta á undan heimildaskrá. Tilvísanirnar eru í númeraröð eins og þær koma fyrir í ritgerðinni en ekki í stafrófsröð eins og í heimildaskrá.

1

Ein af eftirminnilegum minningum Friðriks er mótt sem hann tók þátt í snemma á skákferli sínum. Hann sagði að það hefði verið mun öflugra en nokkurt annað skákmót sem hann hefði tekið þátt í fram að þessu og að hann hafi ekki verið upplitsdjarfur (Friðrik Ólafsson 1976:14). Friðrik var ekki kominn með það sjálfsöryggi sem hann öðlaðist síðar á ævinni.

2

Ein af eftirminnilegum minningum Friðriks er mótt sem hann tók þátt í snemma á skákferli sínum. Hann sagði að það hefði verið mun öflugra en nokkurt annað skákmót sem hann hefði tekið þátt í fram að þessu og að hann hafi ekki verið upplitsdjarfur. [1] Þarna má sjá að á þessum tíma var Friðrik ekki kominn með það sjálfsöryggi sem hann öðlaðist síðar á ævinni.

3

Tilvísanir

- [1] Friðrik Ólafsson 1976:14.
- [2] Guðrún Kvaran 2005:16.
- [3] Friðrik Ólafsson 1976:56.
- [4] Elías Snær Jónsson 2009:77.
- [5] Vilborg Davíðsdóttir 2010:55.

### Dæmi

Gott að vita!

#### Notaðu beinar tilvitnanir í hófi

Góð regla er að nota aðeins beinar tilvitnanir þegar þú treystir þér ekki til að umorða eða telur mikilvægt að vitna orðrétt í það sem aðrir hafa skrifað.

Gott að vita!

Þegar þú notar óbeinar tilvitnanir er mikilvægt að það komi skýrt fram hvað er tilvitnun og hvað er þinn eigin texti. Láttu aldrei líta út fyrir að þú hafir skrifað eitthvað sem aðrir hafa skrifað.

**Gott að vita!****Þrír punktar**

Þrír punktar eru notaðir sem merki um úrfelli-ingu úr texta. Í beinum tilvitnunum er settur hornklofi fyrir framan og aftan punktana.

*„Þetta Hastingsmót var mun öflugra en nokkurt skákmót [...] og ég býst ekki við, að ég hafi verið ýkja upplitsdjarfur.“*

Textinn sem þú vísar til kallast *tilvitnun*. Tilvitnun sem tekin er orðrétt upp *kallast bein tilvitnun*. Tilvitnun sem ekki er orðrétt kallast *óbein tilvitnun*.

Bein tilvitnun er annaðhvort höfð inndregin eða innan gæsalappa. Góð regla er að nota gæsalappir ef tilvitnun er styttri en þrjár línum. Ef hún er lengri en þrjár línum ætti að nota inndrátt. Ekki á að breyta leturstærð eða leturgerð í inndreginni tilvitnun. Hins vegar er nauðsynlegt að minnka línbilið. Hvort sem tilvitnun er óbein eða bein, inndregin eða innan gæsalappa, áttu að vísa í heimild og taka fram höfund, útgáfuár og blaðsíðatal.

**Dæmi****Bein tilvitnun, ekki inndregin, með gæsalöppum**

Ein af eftirminnilegum endurminningum Friðriks er mótt sem hann tók þátt í snemma á skákferli sínum. Um það segir hann: „Þetta Hastingsmót var mun öflugra en nokkurt skákmót, sem ég hafði tekið þátt í fram til þessa og ég býst ekki við, að ég hafi verið ýkja upplitsdjarfur, þegar ég mætti til leiks og leit augum alla þá frægu kappa, sem þarna voru saman komnir“ (Friðrik Ólafsson 1976:14). Þarna má sjá að á þessum tíma var Friðrik ekki kominn með það sjálfsöryggi sem hann öðlaðist síðar á ævinni.

gæsalappir  
uppi

tvípunktur og  
gæsalappir

tilvísun í  
sviga

punktur í  
lokin

**Dæmi****Bein tilvitnun, inndregin, án gæsalappa**

Eitt af eftirminnilegum skákmótum Friðriks er mótt sem hann tók þátt í snemma á skákferli sínum. Um það segir hann:

Þetta Hastingsmót var mun öflugra en nokkurt skákmót, sem ég hafði tekið þátt í fram til þessa og ég býst ekki við, að ég hafi verið ýkja upplitsdjarfur, þegar ég mætti til leiks og leit augum alla þá frægu kappa, sem þarna voru saman komnir (Friðrik Ólafsson 1976:14).

Þarna má sjá að á þessum tíma var Friðrik ekki kominn með það sjálfsöryggi sem hann öðlaðist síðar á ævinni.

inndreginn  
texti

tilvísun í sviga á  
undan punkti

tenging í beinu  
tilvitnunina

## Dæmi

## Óbein tilvitnun, án gæsalappa

Eitt af eftirminnilegum skákmótum Friðriks er mótt í Hastings sem hann tók þátt í snemma á skákferli sínum. Hann sagði að það hefði verið mun öflugra en önnur skákmót sem hann tók þátt í á þessum árum. Því hafi hann líklega ekki verið mjög upplitsdjarfur þegar hann mætti til leiks og hitti fræga skákkappa sem þarna voru saman komnir (Friðrik Ólafsson 1976:14). Friðrik var á þessum tíma greinilega ekki kominn með það sjálfsöryggi sem hann öðlaðist síðar á ævinni.

Tilvísun í texta

## Dæmi

## Nokkur mikilvæg atríði

Bókatitlar eru skáletraðir

Línubil í innreginni tilvitnun er 1,0

Árið sem bókin kom út

Blaðsíðatal

Punktur kemur aftast

*Piltur og stúlka* er sakleysisleg saga. Sigríður og Indriði vita mjög vel hvaða tilfinningar þau bera í brjóstí en eru engu að síður feimin hvort við annað. Það má sjá í eftirfarandi dæmi:

Svona leið dálítill stund, að þau yrtru hvorugt á annað, þangað til Sigríður allt í einu lítur upp og framan í Indriða og varð í sama bili njóð út undir eyru. Þess háttar augnaráð og tillit stúlkna eru yngismenn vanir að skilja, og Indriði hefði orðið að vera skynskiptingur, ef hann hefði ekki ráðið í, hvað Sigríði þá flaug í huga (Jón Thoroddsen 1948:32).

Sakleysi Sigríðar og Indriða endurspeglast einnig í því að þau treysta vel öðru fólk og eru grunlaus um illsku annarra. Þau velta því til dæmis ekki fyrir sér að það geti verið einhver illa hugsandi manneskja sem veldur því að þeim gengur svo illa að ná saman.

Tvípunktur á undan tilvitnun

Eitt auka línubil

Tilvitnunin er í eðlilegu samhengi við megintextann

Nafn höfundar

## Heimildaskráning

Heimildaskrá auðveldar þeim sem les ritgerðina að finna heimildirnar sem þú vísar til í textanum. Við skráningu heimilda þarf að gæta samræmis og fylgja nákvæmlega þeim reglum sem gilda. Oftast koma þær upplýsingar sem þú þarf að hafa til að skrá ritaða heimild fram á titilsíðu ritsins.

Til eru fleiri en ein leið til að skrá heimildir. Í þessari bók er stuðst við skráningarkerfi sem kallast *Chicago* en það er mikið notað hér á landi. Annað algengt skráningarkerfi kallast APA. Í þeim báðum er byggt á sömu grunnhugmynd en nokkur atriði greina þessi tvö algengu skráningarkerfi þó að.

Þótt þú getir vel lært utanbókar helstu reglurnar við heimildaskráningu er vissara að fletta alltaf upp í handbókum um skráningu heimilda. Það á sérstaklega við þegar þú notar margar og ólíkar heimildir, t.d. greinar úr tímaritum, efni af netinu, bækur eftir margra höfundar eða þýddar bækur.

### Mikilvægar grundvallarreglur

- ✓ Grunnregla við heimildaskráningu er: höfundur – útgáfuár – titill – útgefandi – útgáfustaður.
- ✓ Í heimildaskrá þarf að gæta mikillar nákvæmni, hver stafur, hver punktur og hver komma þarf að vera á sínum stað.
- ✓ Heimildaskrá er alltaf í stafrófsröð og raðað er eftir fyrsta stafnum í hverri skráningu.
- ✓ Aldrei er sett númer fyrir framan heimildir í heimildaskrá.
- ✓ Þegar tveir eða fleiri eru skráðir höfundar er þeim raðað í sömu röð og á bókarkápunni.
- ✓ Erlendir höfundar eru skráðir samkvæmt eftirnafni. Athugaðu að ef fleiri en einn höfundur er að ritinu er aðeins fyrsta nafnið skráð á þennan hátt, hin nöfnin eru skráð eins og íslensk, þ.e. eiginnafn á undan.
- ✓ Ef enginn höfundur er skráður fyrir verkinu er titill þess hafður fremstur.
- ✓ Bókatitla og nöfn tímarita skal skáletra.
- ✓ Skrá skal allan titil verksins, einnig undirtitil.
- ✓ Eitt auka línbil er haft á milli heimilda í heimildaskrá.

- ✓ Ef skráningin er meira en ein lína er fyrsta línan örlítið framar en þær næstu á eftir. Notaðu dálkahnappinn (Tab) til að draga inn ef inndrátturinn kemur ekki af sjálfu sér.
- ✓ Ef upplýsingar vantar er notaður hornklofi í stað upplýsinga og sagt t.d.: [án árs]
- ✓ Ef heimild er fengin af netinu skal taka fram höfund, titil, dagsetningu og slóð.

## Dæmi um skráningu heimilda

Eftirfarandi yfirlit er ekki tæmandi en gefur góða mynd af því hvernig helstu gerðir af heimildum eru skráðar. Hverju dæmi fylgir tillaga að því hvernig vísa ætti til heimildarinnar í meginexta ritgerðarinnar. Blaðsíðutalið er tilbúningur.

### 1. Bók eftir einn íslenskan höfund

Svanhildur Kr. Sverrisdóttir. 2011. *Heimir. Handbók um heimildaritun*. Námsgagnastofnun, Kópavogi.

Tilvísun í heimild: (Svanhildur Kr. Sverrisdóttir 2011:32)

### 2. Bók eftir einn erlendan höfund

Clegg, Brian. 2003. *A Brief History of Infinity*. Constable & Robinson, London.

Tilvísun í heimild: (Clegg 2003:32)

### 3. Bók eftir two íslenska höfunda

Bragi Halldórsson og Knútur S. Hafsteinsson. 1996. *Ljóðamál. Mál og menn-ing*, Reykjavík.

Tilvísun í heimild: (Bragi Halldórsson og Knútur S. Hafsteinsson 1996:34)

### 4. Bók eftir two erlenda höfunda

Jackson, Steve og Ian Livingston. 1982. *The Warlock of Firetop Mountain*. Penguin Books, England.

Tilvísun í heimild: (Jackson og Ian Livingston 1982:22)

## 5. Bók eftir þrjá eða fleiri íslenska höfunda

Ásdís Arnalds, Elínborg Ragnarsdóttir og Sólveig Einarsdóttir. 2007. *Tungutak – Ritun handa framhaldsskólum.* JPV útgáfa, Reykjavík.

Tilvísun í heimild: (Ásdís Arnalds o.fl. 2007:33)

## 6. Bók eftir þrjá eða fleiri erlenda höfunda

Brown, Theodore E., H. Eugene Lemay og Bruce E. Bursten. 2003. *Chemistry: The Central Science.* 9. útgáfa. Prentice Hall, Upper Saddle River, New Jersey.

Tilvísun í heimild: (Brown o.fl. 2003:21)

### Gott að vita!

Ef tvær eða fleiri heimildir eru eftir sama höfund er þeim raðað í aldursröð, þeirri elstu fyrst og hinum á eftir.

## 7. Þýðing

Dostojevskí, Fjodor. 1986. *Fávitinn.* Ingibjörg Haraldsdóttir þýddi. Mál og menning, Reykjavík.

Tilvísun í heimild: (Dostojevskí 1986:211)

## 8. Enginn höfundur

*Gilgameskviða.* 1996. Stefán Steinsson ritstýrði og þýddi. Mál og menning, Reykjavík.

Tilvísun í heimild: (*Gilgameskviða* 1996:14)

## 9. Greinasafn eftir einn höfund

Kristinn E. Andrésson. 1976. *Um íslenskar bókmenntir.* Fyrri bók. Sigfús Daðason valdi efnið. Mál og menning, Reykjavík.

Tilvísun í heimild: (Kristinn E. Andrésson 1976:54)

## 10. Grein í greinasafni eftir marga höfunda

Ármanн Jakobsson. 1999. Á aldarafmæli Enid Blyton. *Raddir barnabókanna.* Silja Aðalsteinsdóttir valdi greinarnar og skrifaði formála. Mál og menning, Reykjavík.

Tilvísun í heimild: (Ármanн Jakobsson 1999:33)

## 11. Bók sem tilheyrir ritröð

Sigurður Ingi Ásgeirsson. 2005. *Hindúatrú – Guð í mörgum myndum.* Námsgagnastofnun, Reykjavík.

Tilvísun í heimild: (Sigurður Ingi Ásgeirsson 2005:51)

## 12. Ritsöfn og sýnisbækur

Gottskálk Jensson (ritstjóri). 2008. *Sýnisbók heimsbókmennta*. Sýnisbók bókmennnta. Háskólaútgáfan, Reykjavík.

Tilvísun í heimild: (Gottskálk Jensson 2008:55)

## 13. Orðabækur

Halldór Halldórsson. 1994. *Stafsetningarorðabók* með skýringum. Almenna bókafélagið, Reykjavík.

Tilvísun í heimild: (Halldór Halldórsson 1994:26)

## 14. Grein úr alfræðibók

### a) Greinar merktar höfundi

Rice, James R. 1993. „Mechanics of Solids”. *Encyclopædia Britannica*. 15. útgáfa. 23:734–747. William Benton, Chicago.

Tilvísun í heimild: (Rice 1993:735)

### b) Höfundar ekki getið

*Alfræði í málí og myndum*. 1994. „Frakkland”, bls. 142–143. Ritstjórar Sigríður Harðardóttir og Hálfdan Ómar Hálfdanarson. Íslenska bókaútgáfan, Reykjavík.

Tilvísun í heimild: (*Alfræði í málí og myndum* 1994:143)

## 15. Bæklingur

*Staðreyndir um HIV og alnæmi*. 2003. Landlæknisembættið, Reykjavík.

Tilvísun í heimild: (*Staðreyndir um HIV og alnæmi* 2003)

## 16. Grein úr tímariti

### a) Tímarit sem vistað er á netinu

Guðmundur Sverrir Þór. 2009. Minningarmót um Freystein Þorbergsson. *Tímarit-íð Skák*, 3:31–32. Sótt 2. febrúar 2010 af <http://www.skaksamband.is>

Tilvísun í heimild: (Guðmundur Sverrir Þór 2009:31–32)

### b) Tímarit sem ekki er vistað á netinu

Björk Eiðsdóttir. 2009. Átröskun, ekki bara stelpna- eða unglingsjúkdómur. *Vikan*, 24;71:10–12.

Tilvísun í heimild: (Björk Eiðsdóttir 2009:10–11)

## 17. Grein úr dagblaði

Jón Barkarson. 2010. „Um jöklaverðir og tískusýningar.“ *Fréttablaðið* 4. febrúar.

Tilvísun í heimild: (Jón Barkarson 2010:32)

## 18. Heimildir af netinu

### a) Enginn höfundur

Umboðsmaður barna. [án árs] Sótt 16. mars 2010 af <http://www.barn.is/adalsida/malaflokkar-/barnavernd/>

Tilvísun í heimild: (Umboðsmaður barna [án árs])

### b) Fréttatilkynning á heimasíðu

Menntamálaráðuneytið. 2009 *Innritun í framhaldsskóla haustið 2009. Fréttatilkynning*. Sótt 1. maí 2009 af <http://www.menntamalaraduneyti.is/frettir/Frettatilkynningar/nr/5063>

Tilvísun í heimild: (Menntamálaráðuneytið 2009)

## 19. Heimildir úr útvarpi

Gunnar Helgi Kristinsson. 2010. *Spegillinn*. Ríkisútvarpið – Rás 1. 4. janúar.

Tilvísun í heimild: (Gunnar Helgi Kristinsson 2010)

## 20. Heimildir úr sjónvarpi

Egill Helgason. 2010. *Kiljan – Pétur Gunnarsson rithöfundur*. Ríkisútvarpið – Sjónvarp. 20. janúar.

Tilvísun í heimild: (Egill Helgason 2010)

## 21. Heimildir af geisladiski/myndbandi

Magnús Scheving. 1996. Áfram Latibær. (3,25 mín.) Hljóðsetning, Reykjavík. [Geisladiskur]

Tilvísun í heimild: (Magnús Scheving 1996)

## 22. Heimildir af mynndiski

Davies, Nigel. 2008. *Torre Attack*. Chessbase, Hamborg. [Mynddiskur]

Tilvísun í heimild: (Davies 2008)

## 23. Hljóðbók

Pétur H. Jónsson. 2008. *Tónmennt 4.* Námsgagnastofnun, Reykjavík. [Hljóðbók]

Tilvísun í heimild: (Pétur H. Jónsson 2008)

## 24. Lög og reglugerðir

Aðalnámskrá grunnskóla, samfélagsgreinar. 1999. Menntamálaráðuneytið, Reykjavík.

Tilvísun í heimild: (Aðalnámskrá grunnskóla, samfélagsgreinar 1999)

## 25. Skýrsla

Kristín Sigurrós Einarsdóttir. 2001. *Kennsluvefur um galdra. Skýrsla um verkefni styrkt af þróunarsjóði grunnskóla skólaárið 2000–2001.* Sótt 12. janúar 2010 af <http://www.menntamalaraduneyti.is/afgreidsla/sjodir-og-eydublod/>

Tilvísun í heimild: (Kristín Sigurrós Einarsdóttir 2001)

## 26. Munnlegar heimildir

Munnlegar heimildir eru skráðar fyrir aftan ritaðar heimildir og tekið sérstaklega fram að þær séu munnlegar. Dagsetning þegar viðtalið var tekið er skráð.

Sverrir Gunnarsson. 2010. Viðtal höfundar við Sverri Gunnarsson um skipasmíðar á 20. öldinni. Tekið 4. febrúar 2010.

Tilvísun í heimild: (Sverrir Gunnarsson 2010)


## 27. Myndir

Myndir eru skráðar sérstaklega í heimildaskrá fyrir aftan ritaðar heimildir. Ef notaðar eru margar myndir eru þær skráðar eins og fylgiskjöl og númeraðar.

**Gott að vita!**

**Efni sem ekki hentar sem grunnheimild**

- ✓ Glósur úr kennslustund
- ✓ Glærur úr kennslustund eða af námsvefjum
- ✓ Tölvupóstur
- ✓ Höfundalausir bæklingar
- ✓ Námsefni



## Uppkast, próförk og yfirlestur

Gott að vita!

Eitt af því sem aldrei verður vanmetið er mikilvægi þess að lesa vel og vandlega yfir textann. Það á við um alla sem skrifa, hvort sem þeir eru vanir eða óvanir. Fyrstu skrifin eru gjarnan kölluð uppkast. Eftir því sem á vinnuna líður breytist uppkastið, efni sem fyrst leit út fyrir að eiga heima í ritgerðinni er kannski tekið í burtu, annað bætist við, efnisgrindin breytist, kaflaheiti og kannski ekki síst textinn sjálfur. Þegar ritgerðin er komin á það stig að allt virðist vera að smella saman er kominn tími til að prenta út próförk. Þá þarf að lesa hana yfir og athuga hvort eitthvað megi færa til betri vegar.

Hægt er að nota mismunandi aðferðir við að lesa yfir uppkast. Sumum finnst gott að prenta út handrit og lesa yfir með skriffæri í hönd, gera athugasemdir við textann á blaðið og færa þær síðan inn í ritvinnsluskjalið. Öðrum finnst gott að stækka letrið eða skjámyndina og lesa þannig yfir textann á tölvuskjá. Það er í raun sama hvaða aðferð þú notar, svo framarlega sem þú leggur metnað í að fara vel yfir og lagfæra allt sem þarf að laga. Hafðu í huga að yfirlestur er oft tímafrekari en gert er ráð fyrir. Gleymdu ekki að reikna með þeim tíma í vinnuferlinu.

### Vistaðu uppkastið

Oft eru nemendur beðnir að skila útprentuðu uppkasti eða próförk með lokaentakinu. Það er gert bæði til að koma í veg fyrir að nemendur skili ritgerðum sem þeir hafa ekki skrifað sjálfir og líka til að kennari geti séð hvernig vinnuferlið var. Mundu eftir að vista ritgerðina a.m.k. einu sinni með það í huga að skila uppkastinu útprentuðu.

Of löng málsgrein

Ekki góð byrjun

Grípandi byrjun

Bókatitill skáletraður

Dæmi

### Frumtexti sem þarfnast lagfæringar

Í þessari ritgerð er fjallað um sögupersónurnar í bókinni *Gríman fellur* en þær heita Guðlaug, Pétur og Anna og eru öll i sama skóla en þekkjast ekki neitt í upphafi bókarinnar en eiga eftir að verða sérstaklega góðir vinir í lokin. Ég ætla að skoða hvernig vinskapur þeirra byrjar og hvers vegna þau verða vinir og líka hvers vegna þau voru ekki vinir áður úr því að þau voru öll búin að vera í sama skóla svona lengi og þekktu meira að segja sömu krakkana. Ég ætla líka að skoða vináttu almennt. Mér finnst þetta virka mjög spennandi ritgerðarefnni. Fyrst ætla ég að gera útdratt úr sögunni og svo að segja meira frá henni.

### Endurskrifaður texti

Sögupersónurnar í bókinni *Gríman fellur*, Guðlaug, Pétur og Anna, eru bekkjarfélagar. Þrátt fyrir að hafa verið í sama bekk í mörg ár og þekkja sömu krakkana vita þau lítið hvert um annað. Það á þó eftir að breytast og með þeim tekst mikil vinátta. Í skrifum mínum skoða ég samband þeirra þriggja og velti fyrir mér hvað það er sem breytir kunningsskap þeirra í vináttu. Einnig skoða ég hvers virði vináttu getur verið.

Ég skipti efninu í nokkra kafla með það í huga að gefa skýrari sýn yfir ritgerðarefnið. Í lokaorðum dreg ég saman helstu niðurstöður.

Hversdagsstíll

Upptalning

Muna eftir greinaskilum

## Frágangur texta og uppsetning ritgerðar

### Línubil

Algengt er að hafa línubilið í texta stillt á 1,5. Þú getur breytt línubili í ritvinnsluforritinu og jafnvel haft það 1,7 eða 1,8. Gættu þess að fylgja fyrirmælum sem þú færð hjá kennara. Hafðu alltaf sama línubil í allri ritgerðinni nema í beinum innndregnum tilvitnunum og í heimildaskrá. Þá er æskilegt að hafa línubil 1,0.

### Leturstærð og -gerð

Notaðu alltaf algenga leturgerð í meginmáli, t.d. Times New Roman, Arial eða Calibri. Æskilegt er að nota 12 punkta letur nema annað sé tekið fram. Notaðu sömu stærð og sömu gerð í allri ritgerðinni nema í fyrirsögnum, þær eiga að vera með heldur stærra letri og feitletraðar. Til dæmis er gott að hafa millifyrirsagnir með 14 punkta letri og aðalfyrirsagnir með 16 punkta letri. Ekki fer vel á því að nota of mikið af leturbreytingum í texta heimildaritgerðar. Þú ættir t.d. að forðast að feitletra, skáletra og undirstrika sömu orðin. Bókatinna skal skáletra og í heimildaskrá er skáletur notað til að auðkenna bókatitla og tímarit. Að öðru leyti ætti ekki að vera þörf á því að nota leturbreytingar.

### Spássía

Ritvinnsluforrit hafa sjálfgefna stillingu á spássíu og þú ættir ekki að breyta henni nema sérstök ástæða sé til. Sú stilling hefur 40 mm vinstra megin og 25 mm hægra megin. Ekki fer vel á því að breyta þessu til að koma meiri texta fyrir á síðunni eða til þess að ritgerðin líti út fyrir að lengri en hún er.

### Textajöfnun

Í ritvinnsluforritinu er textinn sjálfkrafa jafnaður vinstra megin. Margir kjósa að jafna textann báðum megin. Þá er textanum dreift þannig á síðuna að línurnar verða allar jafn langar. Hvora leiðina sem þú velur þarf tu að gæta þess að fylgja fyrirmælum um frágang ritgerðarinnar og hafa samræmi í allri ritgerðinni. Gættu þess að oft er þörf á því að skipta löngum orðum í enda línu með skiptistriki. Þú getur sett það inn með því að slá samtímis á stýrihnappinn (Ctrl) og stutt strik.

Blaðsíðutal

Settu inn blaðsiðatal. Ritvinnsluforritið getur gert það sjálfvirkt með réttum skipunum. Hefð er fyrir því að hafa blaðsiðatal neðst á blaðinu. Gættu þess að númera ekki forsíðu. Í efnisyfirliti á blaðsiðatal að koma fram.

## Fyrirsagnir og titill ritgerða

Fyrirsagnir gegna því hlutverki að auðvelda lesanda að fá yfirsýn yfir efnið og gera það aðgengilegra. Þær þurfa því að endurspeglar innihaldið og mega gjarnan vera grípandi. Fyrirsagnir eru alltaf feit-letraðar og stundum er notuð önnur leturgerð en á meginmálinu. Þær eru aðgreindar frá megintexta með línubilum. Línubilið á undan millifyrirsögn er breiðara en á eftir henni. Yfirleitt eru slegin inn tvö aukabil á undan aðalfyrirsögn en eitt aukabil á undan millifyrirsögn. Ekki er ástæða til að byrja alla kafla á nýrri síðu.

Skoðaðu titla ritgerðanna hér til hægri og veltu fyrir þér hvort þeir gefi nógu góða vísbendingu um umfjöllunarefnið. Ef fyrirsögn er ekki mjög lýsandi fyrir innihaldið er gott ráð að nota undirfyrirsögn. Hún er þá höfð með heldur smærra letri en aðalfyrirsögnin. Fyrirsagnir eru sjálfstæðar og geta aldrei staðið sem hluti af texta ritgerðar.

## Efnisgreinar og greinaskil

Ritsmíð er byggð upp á nokkrum efnisgreinum sem aðgreindar eru með greinaskilum. Efnisgrein er sjálfstæð eining í texta sem rúmar eina hugsun með upphaf, miðju og endi. Of stutt efnisgrein getur ekki rúmað heila hugsun. Hins vegar verður of löng efnisgrein þvælin og óskýr. Eðlileg lengd efnisgreina er fimm til fimmtán línum. Minna en tvær línum og meira en hálf síða er ekki í lagi. Kafli í bók, frétt í blaði eða sendibréf eru vanalega byggð upp af nokkrum efnisgreinum.

Efnisgrein er afmörkuð með innndrátti eða línubili. Fyrsta efnisgreinin í hverjum kafla á ekki að vera inndregin. Í heimildaritgerðum fer oft betur að nota inndrátt. Þá er fyrsta línan dregin inn um nokkur stafabil með TAB-takkanum. Skoðaðu efnisgreinar í bókum, blöðum eða tímaritum og reyndu að átta þig á því hvernig þær eru notaðar og hvaða hlutverki þær gegna. Greinaskil eru notuð þegar ný hugsun eða ný hugmynd er tekin til umfjöllunar. Gættu þess að hafa ekki greinaskil á eftir hverri málsgrein.

## Fyrirsagnir

Að brjóta málid til mergjar  
Kennsla á tölvuöld  
Frami og frægð – í algjörri lægð  
Svo bregðast krosstré  
Samspil tísku og sjálfsmynndar  
Ljós í norðri  
Er til of mikils mælst?  
Háhýsastefnan í Reykjavík

## Maður skyldi ætla

Hvað skyldi endurspeglast í fjölda þeirra stofnana, samtaka, ráðstefna, tímárita og blaðagreina sem láta sig varða íslenska tungu?

Ætli fjöldin sé til mark um þann meðan sem îslendingar leggja í módmóðum og rakt við îslensku tungu? Eða ætli þau seð áhugur yfir því að îslenska sé ekki „allt“ eftir allt saman, að hún standi höllum fast? Og hær varði îslensk tunga stóð af ábyrgðarfullur hefur björðumarr stæði ekki vörð? Við hötum Stofnun Árna Magnússonar í îslenskum fræðum, málnefndum, îslenskum málfræðilegum, Samtökum módmóðuskránum, tímarsínum, îslenskum skálm, Skímu, Hrafnagögum, alðanámskránum, í îslensku, îslenskum málstefnu, og ïslenskum tungu, meðal annars.

Málfarssínum er hún óskarlega ófárhætt og ófárhættur, reiknastigur, hún er óskarlega ófárhættur, hún er óskarlega ófárhættur. Mílbóði um þennan vigaþegi, hér málfarssínum skyldi munda að sér, ïslensk tunga sé vel að vîgi, að minnið skugu á lestri varer vandamál annars sérstakan en okkar (dilending, hinrar miður, bôaháðar), að við legnum sérstakan metnum að í vanda mál okkar svona dagdeiglaðar. Maður skyldi nefniðlega að að staða îslenskr tungu, fyrregissem okkar, þyrfi ekki að verði ræða áhugueflinn einum málum. Æta þau efrahnagla þrem sem við blasði og klígti í eyrum okkar daginn út og inm hefði kannski kent þjónið að metu þau meðan sem standa óhögður að þa lánalífur banka lökitist og einhverjá ávísant á pening sem alreið voru til viðri upp.

Maður skyldi ætla að hver og ein einasta menntastofnun hefði málstefnu, að áhersla væri lögð á að hafa notendavilðmót í tölvum flóðs.

Svanhildur Kr. Sverrisdóttir

Þessi texti er þrjár efnisgreinar. Fyrsta og síðasta efnisgreinin eru of stuttar og önnur efnisgreinin er of löng.

**Efnisyfirlit**

|                                   |   |
|-----------------------------------|---|
| 1. Inngangur .....                | 2 |
| 2. Í leit að sjálfum sér .....    | 3 |
| 2.1 Sannleiksleitin .....         | 4 |
| 2.2 Hræðsla við höfnum .....      | 4 |
| 2.3 Ávinnungur .....              | 5 |
| 3. Á hótindi frægðar .....        | 6 |
| 3.1 Aðdragandi flutninga .....    | 6 |
| 3.2 Í leit að viðurkenningu ..... | 7 |
| 3.3 Frægðin tekur toll .....      | 7 |
| 4. Síðustu árin .....             | 8 |
| 4.1 Skrefin til baka .....        | 8 |
| 4.2 Í skugga sorgar .....         | 9 |

28. janúar 2010

Svanur K. SvanssonSvanur K. Svansson  
kt. 2902000900

## Númeraðir kaflar eða ekki

Algengt er að númera kafla í lengri ritgerðum. Í stuttum ritgerðum er ekki ástæða til þess. Ef það er gert þarf að fylgja ákveðnu kerfi við númerasetninguna. Hver kafli eða aðalfyrirsögn fær númer og undirkaflar eru númeraðir í samræmi við númer aðalfyrirsagnarinnar.

## Undirskrift og dagsetning

Æskilegt er að skrifa undir ritgerðina með eigin hendi. Hægt er að gera það á fleiri en einn veg. Algengt er að hafa undirskriftina á eftir lokaorðum, á undan heimildaskrá. Sumir kjósa að hafa undirskrift á sérstöku blaði fremst í ritgerðinni.

## Útprentun og frágangur

Eftir að þú prentar út ritgerðina getur þú valið um nokkrar leiðir til að ganga frá henni. Hefðbundinn frágangur er plastmappa með glærri forsíðu. Einnig má hafa glært plast eða glæru ofan á forsíðunni og nota heftara til að festa síðurnar saman. Plastvasar eru ekki heppilegir því þá þarf að taka ritgerðina upp úr vasanum til að lesa hana yfir. Alls ekki setja hverja síðu í plast því þá getur verið erfitt að skrá athugasemdir við textann.

Fleiri möguleikar eru auðvitað fyrir hendi. Til dæmis er hægt að birta ritgerðina á netinu eða senda hana í tölvupósti til kennara. Algengasta leiðin er hins vegar að prenta hana út.

## Skýringarmyndir og töflur

Skýringarmyndir, skýringarrit og töflur eru oft notaðar sem viðbót við megintexta í heimildaritgerðum. Myndir á hins vegar aldrei að nota eingöngu sem punt. Myndir og töflur á að tölusetja og setja skýringartexta undir myndina eða töfluna. Lesandinn á ekki að þurfa að leita í meginmálinu að skýringu á því sem fram kemur á myndinni eða í töflunni. Skýringartextinn er sjálfstæður texti og er oft endurtekning á því sem kemur fram í meginmáli. Gættu þess að myndin eða taflan komi á við-eigandi stað í textanum, þ.e. ekki of langt frá efninu sem hún tengist.



Mynd 1: Flest mótin voru haldin í Reykjavík.

## Fylgiskjöl – viðaukar

Stundum er umfjöllunarefni í ritgerðum þannig að æskilegt er að bæta inn fylgiskjölum. Það á t.d. við ef þú hefur lagt spurningalistu fyrir fólk eða hefur stuðst við skjöl sem hvergi er hægt að nálgast. Fylgiskjölum er bætt við í lok ritgerðar, yfirleitt á eftir heimildaskrá. Fylgiskjöl eru skráð í efnisyfirliti og númeruð, t.d. *Fylgiskjal 1*, *Fylgiskjal 2* o.s.frv. Sumir kjósa að nota orðið við-auki í stað þess að segja *fylgiskjöl*.

Dæmi

## Forsíða

Forsíða er eins konar andlit ritgerðarinnar. Vel gerð forsíða þarf ekki endilega að vera vísbending um að ritgerðin sé vel skrifuð en hún bendir til þess að alúð sé lögð í vinnuna. Að sama skapi bendir illa unnin forsíða til þess að höfundur ritgerðarinnar hafi ekki lagt mikinn metnað í verkið.

### Gott að vita!

#### Kennitala á forsíðu

Sumir kjósa að setja kennitölu sína á forsíðu ritgerða. Kennitalan er þá yfirleitt höfð í sér línu fyrir neðan nafnið.

Uppsetning forsíðu getur verið með mismunandi hætti. Ákveðin atriði eru þó sameiginleg öllum forsíðum og eiga alltaf að koma fram:

- ✓ Heiti ritgerðar eða fyrirsögn
- ✓ Nafn höfundar
- ✓ Staður og ártal
- ✓ Nafn skólans eða menntastofnunar
- ✓ Nafn kennara eða námsgreina

Auk þess sem hér er talið upp kjósa sumir að hafa kennitölu á forsíðu. Mikilvægt er að titill ritgerðar sé áhugaverður, markviss og endurspegli með einhverjum hætti efni ritgerðar. Stundum er notaður titill sem er svolítið skáldlegur en tengist efni ritgerðarinnar og undirtitill notaður til að útskýra betur. Ef ritgerðin fjallar t.d. um eldgosið í Heimaey væri frekar óspennandi titill að kalla hana *ELDGOSIÐ Í HEIMAHEY*. Það hefur svo margt verið skrifað um eldgosið að þú þyrftir að búa til þinn eigin titil sem væri t.d. í tengslum við rannsóknarsþurningar þínar. Sem dæmi um titil má nefna:

### SAMBÚÐ MANNS OG ELDS 38 ár frá eldgosi í Heimaey

Hefð er fyrir því að hafa heiti ritgerðar á miðri forsíðu rétt fyrir ofan miðju með stækkuðu letri. Undirtitillinn er gjarnan hafður með minna letri.

## Mynd á forsíðu

Sumir kjósa að hafa mynd á forsíðu. Slíkt er alls ekki nauðsynlegt og lítil ástæða að leggja á sig mikla fyrirhöfn til að finna mynd eða til að prenta forsíðu út í lit. Sé notuð mynd þarf að gæta þess að hún tengist innihaldinu á einhvern hátt. Um notkun mynda gilda sömu reglur og um notkun annarra heimilda, það þarf að taka fram hvaðan myndin er fengin ef einhver annar en höfundur ritgerðarinnar tók hana eða teiknaði. Upplýsingarnar eru síðan skráðar í heimilda-skrána aftast.



Tunguskóli 2010  
Samfélagsfræði  
Kennari Pétur Hauksel

Er skák íþrótt eða list?

Lea Mariudóttir 9. KH  
200998-2870

Tunguskóli 2010 Samfélagsfræði  
Kennari Pétur Hauksel

Íslenska skákævintýrið  
Saga og aðdragandi

Lea Mariudóttir 9. KH  
200998-2870

Tunguskóli 2010  
Samfélagsfræði  
Kennari Pétur Hauksel  
Lea Mariudóttir 9. KH

Íslenskir stórmeistarar

## Kanntu að nota ritvinnsluforrit?

Til þess að ganga frá texta í ritvinnsluforriti er nauðsynlegt að kunna nokkur grundvallaratriði. Sem dæmi má nefna að þú þarf að kunna að stækka og minnka letur, breyta leturgerð og línbili, setja inn töflu, myndir og fleira. Þú getur nálgast ýmsar leiðbeiningar um ritvinnslu á netinu svo hér verður aðeins minnst á nokkur grundvallaratriði.



### Að breyta leturgerð og stærð

Algengast er að nota leturgerð sem heitir Times New Roman og hafa stærðina 12 punkta. Ef þú vilt breyta leturgerðinni eða -stærðinni byrjar þú á því að sverta textann og smellir síðan í gluggann sem sýnir leturgerðina eða stærðina. Gættu þess að velja leturgerð sem er skýr og þægileg aflestrar.

Þetta er Times New Roman 10 punkta  
Þetta er Times New Roman 10 punkta  
Þetta er Times New Roman 10 punkta  
Þetta er Times New Roman 10 punkta

Þetta er Calibri 10 punkta  
Þetta er Calibri 11 punkta  
Þetta er Calibri 12 punkta  
Þetta er Calibri 14 punkta

### Að setja inn blaðsíðatal

Í heimildaritgerðum er nauðsynlegt að hafa blaðsíðatal. Word-ritvinnsluforritið býður upp á nokkra sjálfvirka möguleika. Algengast er að hafa það neðst, annað hvort á miðri síðu eða í hægra horni. Gættu þess að hafa ekki blaðsíðatal á forsíðu. Fyrsta númeraða blaðsíðan í ritgerðinni er efnisyfirlitið.

## Að breyta línubili

Ef þú breytir ekki línubili í textanum verður hann allur með línubil 1,0. Það þykir stundum allt of þétt og því er mælt með því að þú breytir línubilinu t.d. í 1,5. Yfirleitt er tekið fram í leiðbeiningum um ritgerðarskrifin hvaða línubil þú átt að nota. Gættu þess að nota sama línubilið í allri ritgerðinni. Það fer hins vegar vel á því að breyta línubilinu í beinum innregnunum tilvitnum og hafa þær með línubili 1,0 þótt annar texti sé með línubili 1,5.

## Að setja inn efnisyfirlit

Í ritvinnsluforritinu er auðvelt að búa til efnisyfirlit þegar allar fyrirsagnir eru tilbúnar. Hægt er að nálgast einfaldar leiðbeiningar sem þú skalt kynna þér. Best er að prófa sig áfram og skoða hvernig þetta virkar.

## Að setja inn tilvísun í neðanmálsgrein

Neðanmálsgrein er texti sem birtur er neðst á síðu á eftir meginextanum. Letrið í neðanmálsgreinum er alltaf smærra en í meginmáli. Í stað þess að hafa tilvísun í sviga fyrir aftan tilvitnun í textanum er hægt að nota tilvísanakerfi fyrir neðanmálsgreinar í ritvinnsluforritinu. Með því að velja viðeigandi skipanir getur þú látið númer birtast (frá 1 og áfram) bæði fyrir aftan tilvitnunina sjálfa og einnig neðst á blaðsíðunni. Kerfið er sjálfvirk og því er hægt að bæta inn og fjarlægja tilvitnanir án þess að númeraröðin ruglist. Sumir kjósa að nota neðanmálsgreinar til þess að útskýra nánar eitthvað sem kemur fram í textanum. Þessi aðferð veitir góða yfirsýn yfir fjöldu tilvitnana og auðvelt er að leita að tilvitnunum úr textanum. Hins vegar er óþarfi að hafa neðanmálstilvísanir í stuttum heimildaritgerðum.

Meginintntakið í boðskap Baldvins er að „uppeldið varðar mestu“. Hann vildi að börn veuru mótuð í anda upplýsingarinnar og að bryjað væri strax við fæðingu. Hann létt sig varða bæði líkamlegar og andlegar þarfir barna; var a móti því að börn væru reifuð, vildi að þeim væri gefin brjóstamjölk, var a móti því að þeim væri refsæd með barsmiðum og þrælað út í vinnu. Um þetta lætur hann „aðkomumann“ segja við þjóðulf:

Nýmjólk og önnur kröftug og þung fæða er óhentug fyrir ungbarannna veika maga, að veðja þau blautlumdu ungbörn innan í þykka reifa er skáldilegt, og því skaðligra sem þéttara er um vaðið með líndanum, eða ættli þér sýndist það þægilegt að vera fjölráður svona núna, og hefir þú bó sterkan li mi en þau? Að hindra börnini frá að leika sér og berja þau eins og fisk fyrir hvorja yfirsýn, er afar fáfræðislegt [svo] (bls. 42).

Baldvin vildi að börn ættu kost á því að leika sér en lagði jafnframt áherslu á vinnusemi. Hann hélt fram hreinlyndi og höfsemi en gagnrýndi m.a. ómennsku, leti, eyðlusumei oglausamennsku og lagði áherslu á að jafnvægi ríkti milli aga og umburðarlyndis.

Línubil 1,0

Línubil 1,5

## Efnisyfirlit

|                                       |   |
|---------------------------------------|---|
| 1. Inngangur . . . . .                | 2 |
| 2. Í leit að sjálfum sér . . . . .    | 3 |
| 2.1 Sannleiksleitin . . . . .         | 4 |
| 2.2 Hræðsila við höfnun . . . . .     | 4 |
| 2.3 Ávinningu . . . . .               | 5 |
| 3. Á hátindi frægðar . . . . .        | 6 |
| 3.1 Aðdragandi flutninga . . . . .    | 6 |
| 3.2 Í leit að viðurkenningu . . . . . | 7 |
| 3.3 Frægðin tekur toll . . . . .      | 7 |
| 4. Síðustu árin . . . . .             | 8 |
| 4.1 Skrefin til baka . . . . .        | 8 |
| 4.2 Í skugga sorgar . . . . .         | 9 |

lendist þar. Hann hafði eins og aðrir upplýsingarmenn mikinn áhuga á uppledismálmum og í riti sinu boðaði hann framfarir í þeim málum. Baldvin var ekki fyrstur til að skrifa um uppledismál í anda upplýsingarinnar en sérstaða hans er fólginn í því að hann hafði áhuga á að laga boðskap upplýsingartefnumnar að íslenskum aðstæðum og hugsunarhætti íslenskar alþýðu sem voru í svo mórgu frábrugðin því sem gerðist erlendis. Hann staðfærði því hugmyndir upplýsingarmanna og skrifði fyrir íslenska sveitaalþýðu svo sem still og framsetning efnisins í riti hans ber vott um. Talíð er fullvist að Baldvin hafi sött hugmyndir sínar í rit Jean Jacques Rousseaus, Emile, en það, ásamt fleiri ritum erlendra upplýsingarmanna, var þytt að döknu um 1800.<sup>1</sup>

Meginintntakið í boðskap Baldvins er að „uppeldið varðar mestu“. Hann, eins

<sup>1</sup> Ýmsilegt þárra kemur fram er útskýrt betur síðar í þessum skrifum.

neðanmálsgrein

## Nokkur hollráð

- |              |  |
|--------------|--|
| Tími         | <b>1.</b> Gefðou þér góðan tíma. Ferlið við ritgerðarsmíðina tekur tíma, yfirleitt lengri tíma en gert er ráð fyrir.   |
| Yfirlestur   | <b>2.</b> Yfirlestur og lagfæringar eru alltaf nauðsynlegar við ritgerðarsmíð. Reiknaðu með nokkrum klukkustundum í slíka vinnu.   |
| Upplestur    | <b>3.</b> Lestu textann þinn upphátt. Þannig koma hnökrar betur í ljós en ef lesið er í hljóði.  |
| Orðabók      | <b>4.</b> Flettu upp í orðabókum ef þú ert í minnsta vafa um rithátt orða.   |
| Greinaskil   | <b>5.</b> Mundu eftir að skipta textanum með greinaskilum á viðeigandi stöðum.   |
| Uppkast      | <b>6.</b> Prentaðu út uppkast til þess að lesa yfir og leiðréttu.  |
| Heimildir    | <b>7.</b> Notaðu aldrei texta eða hugmynd frá öðrum án þess að geta heimilda.  |
| Ritstuldur   | <b>8.</b> Þótt þú umorðir texta sem aðrir hafa skrifað og breytir orðalagi örlítið flokkast það sem ritstuldur ef ekki er vísað í heimild.   |
| Heimildaskrá | <b>9.</b> Í heimildaskrá eru aðeins skráðar heimildir sem vísað er til í ritgerðinni. Þótt þú lesir bækur til að fá hugmyndir skráir þú þær ekki í heimildaskrá nema þú notir efni þeirra beint.   |
| Vandvirkni   | <b>10.</b> Vandaðu val þitt á heimildum. Það á sérstaklega við þegar stuðst er við heimildir af netinu, bæklinga eða efni sem ekki er hægt að rekja til einhvers höfundar. Notaðu a.m.k. þrjár heimildir í heimildaritgerð.  |
| Blaðsíðutal  | <b>11.</b> Mundu eftir að tölusetja blaðsíður, efnisyfirlitið er fyrsta tölusetta blaðsíðan.   |
| Frágangur    | <b>12.</b> Hugaðu vel að upsetningu og frágangi. Stærð leturs og leturgerð þarf að vera viðeigandi. Fyrirsagnir eiga að vera með stækkuðu letri, línubil 1,5 eða 2, spássíur hæfilega breiðar, hæfilegt efni á hverri síðu, myndatextar og númer undir myndum og töflum. |
| Plastmappa   | <b>13.</b> Algengt er að skila ritgerðum í plastmöppu með glærri forsíðu. Oft nægir að hefta saman ritgerð eða binda hana smekklega saman. Notaðu ekki glæra plastvasa fyrir ritgerð og settu aldrei hvert blað í slíkan vasa.   |

## Sjálfsmat

Áður en þú skilar ritgerðinni skaltu lesa yfir þessar spurningar og svara þeim eftir bestu getu. Ef svör þín gefa til kynna að ritgerðin sé ekki nógú vel unnin skaltu laga og bæta þau atriði sem við á.

- 1.** Eru upphafsröð ritgerðarinnar í lagi og líkleg til að vekja áhuga?
- 2.** Eru lokaorðin skýr og áhugaverð?
- 3.** Er textinn líklegur til að vekja áhuga lesandans?
- 4.** Er tilgangurinn með skrifunum skýr?
- 5.** Er byggingin í lagi, þ.e. hefur hver kafli upphaf – miðju – endi?
- 6.** Er orðalag og stafsetning í lagi?
- 7.** Eru greinaskil í textanum?
- 8.** Eru greinaskil á réttum stöðum?
- 9.** Koma sömu orð fyrir aftur og aftur?
- 10.** Er textinn eins og upptalningaráfrásögn? (*og svo, síðan, þá ...*)
- 11.** Er eðlilegt samhengi í textanum, þ.e. leiðir eitt af öðru?
- 12.** Er textinn lipur og þægilegur aflestrar?
- 13.** Er fyrirsögn ritgerðarinnar bæði lýsandi og áhugaverð?
- 14.** Eru málsgreinar hæfilega langar?
- 15.** Mætti sleppa einhverju eða er einhverju ofaukið?
- 16.** Eru viðeigandi upplýsingar á forsíðu?
- 17.** Er blaðsiðatal?
- 18.** Er heimildaskrá rétt sett upp, heimildir í stafrófsröð og allt samkvæmt reglum?
- 19.** Eru allar heimildir sem vísað er til í ritgerðinni skráðar í heimildaskrá?
- 20.** Er eitthvað í heimildaskrá sem ekki er vísað til í ritgerðinni?

## Birting efnisins

### Gott að vita!

Ellefu lykilord

- ✓ aðalatriði
- ✓ aðlaðandi
- ✓ áhugavert
- ✓ frumlegt
- ✓ hnitmiðað
- ✓ málefnalegt
- ✓ mikilvægt
- ✓ nákvæmt
- ✓ skemmtilegt
- ✓ skýrt
- ✓ vandað

Þegar ritgerðarvinnunni lýkur má jafnvel segja að þú sért orðinn sérfræðingur um efnið. Kannski langar þig að segja öðrum frá því sem þú hefur lært. Hægt er að velja um nokkrar leiðir til að kynna efnið eða birta það. Mundu að þú þarf alltaf að fylgja reglum um meðferð heimilda og skráningu.

### Fyrirlestur

Kynntu efnið þitt í stuttum fyrirlestri. Gott er að nota glærur við kynninguna. Gættu þess hins vegar að leggja ekki of mikla áherslu á útlit glæranna. Kynntu þér grunnreglur við gerð þeirra. Fyrirlesturinn sjálfur er aðalatriðið og hann þarf að undirbúa vel, bæði textann sem þú ætlar að flytja og flutninginn sjálfan.



### Veggspjald

Veggspjald er þægileg leið til að kynna efnið. Það má vinna á ýmsa vegu, annaðhvort í tölvu og prenta það út á spjald eða klippa saman efni og líma á stórt spjald. Gott er að móta hugmyndina með því að rissa hana á blað sem síðar má yfirfæra á stærra veggspjald. Gættu þess að hafa gott samspil texta og mynda á veggspjaldinu.

## Netið

Margir möguleikar eru til að birta efni á netinu. Vel mætti hugsa sér að birta alla ritgerðina eða hluta hennar þar, t.d. á sameiginlegu bloggsvæði, vefsvæði bekjarins, heimasíðu skólans eða þinni eigin bloggsíðu. Þú getur jafnvel skráð á bloggsíðu hvernig ritgerðarsmíðin gengur og varpað fram fyrirspurnum um atriði sem vefjast fyrir þér. Ef vel tekst til gætir þú fengið einhverja hjálp, t.d. frá skólaufélögum þínum.

## Bæklingur

Snyrtilegur og vel hannaður bæklingur er góð leið til að koma efni á framfæri. Þú getur tekið saman aðalatriði ritgerðarinnar í stuttan og hnitmiðaðan texta. Leggðu áherslu á viðeigandi útlit, gott umbrot, vönduð vinnubrögð og frágang. Nákvæmur prófarkalestur er mjög mikilvægur í allri útgáfu.

## Málstofa

Ritgerðarefni nokkurra nemenda er kynnt á skipulagðri málstofu á skólatíma eða eftir skóla. Bjóða má stjórnendum skólans, öðrum nemendahópum, ættlingjum og vinum að koma og fylgjast með. Málstofuna ætti að kynna á einhvern hátt, útbúa auglýsingu og tiltaka dagskrá.

## Greinasafn

Hópur nemenda gefur út lítið greinasafn eða tímarit þar sem t.d. er birtur útdráttur úr hverri ritgerð. Gott er að skipa ritstjóra og ritnefnd sem kemur sér saman um vinnureglur, t.d. um lengd og frágang greina, höfundamyndir, prófarkalestur, uppsetningu, útlit og fleira sem þarf að hafa í huga á þessum vettvangi.

## Spurt og svarað

### 1. Hvað er uppkast?

Uppkast er fyrsta gerð af skrifum, stundum kallað drög. Uppkast inniheldur undantekningarlaust setningar eða málsgreinar sem þarf að breyta, bæta eða jafnvel fella alveg út. Stundum þarf að breyta miklu í uppkasti en stundum nægir að laga orðalag, málfar, stafsetningu, greinarmerkjasetningu eða uppsetningu. Oft kemur í ljós að einhverju er ofaukið eða að þörf er á að útskýra betur.

### 2. Er þörf á að skrifa undir ritgerð?

Þegar höfundur skrifar undir ritgerð með eigin hendi staðfestir hann að hann hafi sjálfur skrifað textann og beri ábyrgð á því sem þar kemur fram. Algengt er að skrifa undir á eftir lokaorðum, á undan heimildaskrá. Einnig er hægt að hafa undirskrift á sérstöku blaði fremst í ritgerðinni.

### 3. Hvað er saurblað?

Saurblað er autt blað sem er haft fremst í ritgerð, á milli forsíðu og efnisyfirlits. Það er gert til þess að textinn sjáist ekki í gegn. Sumum finnst pappírssóun að nota saurblað.

### 4. Hvað geri ég ef það er villa í texta sem ég nota í beinni tilvitnun?

Aldrei má breyta beinum tilvitnunum, ekki einu sinni rangri stafsetningu eða greinarmerkjum. Ef ritgerðarhöfundur telur ástæðu til að taka fram að villan hafi verið í frumtexta getur hann sett innan hornklofa athugasemdina [svo].

### 5. Eiga fyrirsagnir í ritgerðinni að vera í miðjunni eða við vinstri spássíu?

Ef ekki eru gefin ákveðin fyrirmæli um hvar á síðu fyrirsagnir eiga að vera staðsettar er hægt að velja milli þess að hafa þær miðjusettar eða við vinstri spássíu. Aðalatriðið er að gæta samræmis í allri ritgerðinni.

## 6. Er alltaf nauðsynlegt að vísa í heimild?

Svarið er einfalt – já, það er alltaf nauðsynlegt. Það ætti líka að vera sjálf-sagður þáttur í ritunarferlinu og ekki vefjast fyrir þeim sem á annað borð styðst við heimildir í skrifum sinum. Ef það er ekki gert er talað um ritstuld – sem er jafnslæmur og annar stuldur. Það verður aldrei ásættanlegt að nota texta annarra og láta líta út fyrir að hann sé manns eigin. Og það nægir ekki að breyta textanum smávegis til að gera hann að sínum.

## 7. Hvernig lestur er prófarkalestur?

Þegar textinn er frágenginn og allt efnið er komið á sinn stað þarf að lesa vandlega yfir hvert orð og skoða hvern einasta staf. Slíkur lestur er kallaður prófarkalestur. Nauðsynlegt er að lesa a.m.k. tvísvar yfir textann til þess að ganga úr skugga um að allt sé eins og það á að vera. Athuga þarf vel merkingu og innihald, fyrirsagir, stafsetningu og greinarmerki. Prófarkalestur krefst einbeitingar og tíma.

## 8. Til hvers eru hugtakakort?

Hugtakakort sýnir tengsl á myndrænan hátt. Þau henta vel við hugmynda-vinnu og til að skipuleggja og flokka. Í ritgerðarvinnu er hægt að byrja á að gera eitt hugtakakort fyrir alla ritsmíðina og síðan má gera eitt kort fyrir hvern kafla. Hægt er að gera hugtakakort í tölvu eða teikna þau á blað.

## 9. Hvað er undirtitill?

Titill er heiti eða nafn einhvers, t.d. bókar, kvíkmyndar eða ritgerðar. Stundum gefur titill til kynna hvert innihald verks er. Ef hann gerir það ekki er gott að hafa undirtitil sem þrengir merkinguna.

## 10. Hvaða munur er á tilvísun og tilvitnun?

Tilvísun er vísun í heimildir og er höfð innan sviga í skrifunum sjálfum. Þær gefa upplýsingar um hvert heimildin er sótt.

## **Heimildir**

- Dagbók Anne Frank. 2008. Otto H. Frank og Mirjam Pressler ritstýrðu. Ólafur Rafn Jónsson þýddi. Hólar, Reykjavík.
- Elías Snæland Jónsson. 2009. *Rúnagaldur*. Skrudda, Reykjavík.
- Friðrik Ólafsson. 1976. *Við skákborðið í aldarfjórðung. 50 valdar sóknarskákir Friðriks Ólafssonar*. Skák, Reykjavík.
- Guðrún Kvaran. 2005. *Orð. Handbók um beygingar- og orðmyndunarfræði*. Íslensk tunga 2. Almenna bókafélagið, Reykjavík.
- Jón Thoroddsen. 1948. *Piltur og stúlka. Dálítíl frásaga*. Helgafellsútgáfan, Reykjavík.
- Kristín Steinsdóttir. 2009. *Hetjur*. Vaka – Helgafell, Reykjavík.
- Marteinn Magnússon. 1962. *Frá æskuslóðum: nokkur minningabrot*. [Útgefanda ekki getið], Neskaupstaður.
- Páll Valsson. 2009. *Vigdís: Kona verður forseti*. JPV-útgáfa, Reykjavík.
- Svava Jakobsdóttir. 1999. *Gunnlaðar saga*. Forlagið, Reykjavík.
- Tómas Hermannsson. 2009. *Reyndu aftur. Ævisaga Magnúsar Eiríkssonar tónlistarmanns*. Sögur, Reykjavík.
- Vilborg Davíðsdóttir. 2001. *Korku saga*. Mál og menning. Reykjavík.







*Heimir. Handbók um heimildaritun* er ætluð þeim sem eru að stíga sín fyrstu skref í fræðaskrifum eða heimildaritun. Í bókinni er farið yfir helstu þætti heimildaritunar, allt frá efnisvali til útprentunar.



NÁMSGAGNASTOFNUN  
06413

ISBN 978-9979-0-1476-8

9 789979 014768